

寶

志卷第一百三十八

宋史一百八十五

開府儀同三司上柱國錄軍國事兼右丞相監修國史領經筵事都總裁賜脫等奉

勅修

食貨下七

酒

既治香附

酒宋榷酤之法諸州城内皆置務釀酒縣鎮鄉間或許民釀而定其歲課若有遺利所在多請官酤三京官造麴聽民納直以取陳滑蔡潁隨郢鄧金房州信陽軍舊皆不榷太平興國初京西轉運使程能請榷之所在置官吏局署取民租米麥給釀以官錢市薪標及吏工奉料歲計獲無幾而主吏規其盈羨及醞

齊不良酒多醕薄至課民婚葬量戶大小令酤民甚
被其害歲儉物貴殆不償其費太宗知其弊淳化五
年詔募民自釀輸官錢減常課三之二使其易辦民
有應募者檢視其貲產長吏及大姓共保之後課不
登則均償是歲取諸州歲課錢少者四百七十二處
募民自酤或官賣麴收其直其後民應募者寡猶多
官釀陝西雖推酤而尚多遺利咸平五年度支負外
郎李士衡請增課以助邊費乃歲增十一萬餘貫兩
浙舊募民掌榷雍熙初以民多私釀歲蠲其禁其推
酤歲課如麴錢之制附兩稅均率二年詔曰有司請

罷杭州推酤乃使豪舉之家坐專其利貧弱之戶歲
責所輸本欲惠民乃成侵擾宜仍舊推酒罷納所均
錢天禧四年轉運副使方仲荀言本道酒課舊額十
四萬貫遺利尚多乃歲增課九萬八千貫川峽承舊
制賣麴價重開寶二年詔減十之二既而頗興推酤
言事者多陳其非便太平興國七年罷仍舊賣麴自
是惟夔建開施廬黔涪黎威州梁山雲安軍及河東
之麟府州荆湖之辰州福建之福泉汀漳州興化軍
廣南東西路不禁自春至秋醞成即鬻謂之小酒其
價自五錢至三十錢有二十六等臘釀蒸鬻候夏而

出謂之大酒自八錢至四十八錢有二十三等凡醞用秬糯粟黍麥等及麴法酒式皆從水土所宜諸州官釀所費穀麥準常糴以給不得用倉儲酒匠役人當受糧者給錢凡官麴麥一斗為麴六斤四兩賣麴價東京南京斤直錢百五十五西京減五咸平末江淮制置增榷酤錢頗為煩刻景德二年詔毋增榷自後制置使不得兼領酒榷四年又詔中外不得更議增課以圖恩獎天禧初著作郎張師德使淮南上言鄉村酒戶年額少者望並停廢從之至道二年兩京諸州收榷課銅錢一百二十一萬四千餘貫鐵錢一

百五十六萬五千餘貫京城賣麴錢四十八萬餘貫天禧末榷課銅錢增七百七十九萬六千餘貫鐵錢增一百三十五萬四千餘貫麴錢增三十九萬一千餘貫五代漢初犯麴者並棄市周至五斤者死建隆二年以周法太峻犯私麴至十五斤以私酒入城至三斗者始處極刑餘論罪有差私市酒麴者減造人罪之半三年再下酒麴之禁凡私造差定其罪城郭二十斤鄉間三十斤棄市民持私酒入京城五十里西京及諸州城二十里者至五斗處死所定里數外有官署酤酒而私酒入其地一石棄市乾德四年詔

比建隆之禁第減之凡至城郭五十斤以上鄉間百斤以上私酒入禁地二石三石以上至有官署處四石五石以上者乃死法益輕而犯者鮮矣端拱二年令民買麴釀酒酤者縣鎮十里如州城二十里之禁天聖以後北京售麴如三京法官售酒麴亦畫疆界戒相侵越犯皆有法其不禁之地大槩與宋初同唯增永興軍大通監川峽之茂州富順監時天下承平既久戶口寔蕃為酒醪以靡穀者益衆乾興初言者謂諸路酒課月比歲增無有藝極非古者禁群飲教節用之義遂詔鄉村毋得增置酒場已募民主之者

期三年他人雖欲增課以售勿聽主者自欲增課委官吏度異時不至虧額負課然後上聞既而御史中丞晏殊請酒場利薄者悉禁增課天聖七年詔民間有吉凶事酤酒舊聽自便毋抑配而江淮荆湖兩浙酒戶徃徃豪制良民至出引目抑使多售其蔽禁止犯者聽人告募人代之慶曆初三司言陝西用兵軍費不給充資權酤之利請較監臨官歲課增者第賞之繼令蕭定基王琪等商度利害初酒場歲課不登州縣多責衙前或伍保輸錢以充其數嘉禧治平中數戒止之治平四年手詔蠲京師酒戶所負權錢十

六萬緡又江南北歲所增酒場強率人酤酒者禁止
皇祐中酒麴歲課合緡錢一千四百九十八萬六千
一百九十六至治平中減二百一十二萬三千七百
三而皇祐中又入金帛絲纊芻粟材木之類總其數
四百萬七百六十治平中乃增一百九十九萬一千
九百七十五熙寧三年詔諸郡遇節序毋得以酒相
饋初知渭州蔡挺言陝西有醞公使酒交遺至踰二
十驛道路煩苦詔禁之至是都官郎中沈行復言知
莫州柴貽範饋他州酒至九百餘瓶用兵夫踰二百
人故并諸路禁焉四年三司承買酒麴坊場錢率千

錢稅五十儲以祿吏六月令式所刪定官周直孺言
在京麴院酒戶鬻酒虧額原於麴數多則酒亦多多
則價賤賤則人戶損其利為今之法宜減數增價使
酒有限而必售則人無耗折之患而官額不虧請以
百八十萬斤為定額閏年增十五萬斤舊直斤百六
十八百以八十五為數後增為二百百用省數以便
入出七年諸郡舊不釀酒者許釀以公使錢率百
緡為十石溢額者以遠制論在京酒戶歲用糯三十
萬石九年江浙災傷米直騰貴詔選官至所產地預
給錢俟成稔折輸於官未幾詔勿行止以所糴在京

新米與已糴米半用之元豐元年增在京酒戶麴錢較年額損麴三十萬斤閏年益造萬斤二年詔在京鬻麴歲以百二十萬斤爲額斤直錢二百五十俟鬻及舊額令復舊價酒戶負糟糯錢更期以二年帶輸并蠲未請麴數十萬斤先是京師麴法自熙寧四年更定後多不能償雖屢閣未請麴數及損歲額爲百五十萬斤斤增錢至二百四十未免逋負至是命畢仲衍與周直孺講求利病請損額增直均給七十店令日輸錢周歲而足月輸不及數計所負倍罰其炊醞非時擅益器量及用私麴皆立告賞法悉施行之

而裁其價三年詔帶輸舊麴錢及倍罰錢仍寬以半歲未經免罰者蠲三之一五年外居宗室酒止許於舊官院尊長及近屬寄醞增永興軍乾祐縣十酒場酒戶負糟糯錢更令三年之內增月限以輸並除限內罰息其倍罰麴錢已蠲三之一下戶更免一分元祐元年剛監司鬻酒及三路饋遺條紹聖二年左司諫崔思言諸郡釀酒非沿邊並復熙寧之數詔熙寧五年以前諸郡不釀酒及有公使錢而無酒者所釀並依熙寧編敕數仍令諸郡所減勿逾百石舊不及數者如舊毋得於例外供饋後又以陝西沿邊官監

酒務課入不足乃令邊郡非帥府並酌條制定釀酒數諸將并城皆止許於官務寄釀崇寧二年知漣水軍錢景允言建立學舍請以承買醋坊錢給用詔常平司計無害公費如所請仍令他路準行之初元祐臣僚請罷榷醋戶部謂本無禁文後翟思請以諸郡醋坊日息用餘悉歸常平至是景允有請故令常平計之十月諸路官鹽酒直上者升增錢二中下增一以充學費餘裨轉運司歲用大觀四年以兩浙轉運司之請官監鬻糟錢別立額比較又詔諸郡榷酒之地入出酒米並別遣倉官賣醋毋得越郡城五里外

凡縣鎮村並禁其息悉歸轉運司舊屬常平者如故政和二年淮南發運副使董正封言杭州都酒務甲於諸路治平前歲課三十萬緡今不過二十萬請令分務為三更置比較務二毋增官吏兵匠仍請本路諸郡並增務比較從之四年兩浙轉運司亦請置務比較定課額釀酒收息以增虧為賞罰詔酒務官二負者分兩務三負者復增其一負雖多毋得過四務內有官雖多而課息不廣者聽如自是歲以湖南路諸務糟醪錢分入提舉司令斤增錢三為直達糧綱水工之費立酒匠闕聽選試清務朋軍之法清務者

本州選刺供踏麴爨蒸之役闕則首以充宣和二
年公使庫假用米麴及因耗官詠坐贓罪之監
官移替三年發運使陳邁奏江淮官監酒直上
者升權增錢五次增三為江浙新復州縣之用其後
尚書省請令他路悉行之詔如其請所收率十之三
以給漕計餘輸大觀庫五年罷夔路榷酤未幾復舊
以轉運司言新邊城若藉以供億故也六年在任官
以奉酒抑賣坊戶轉鬻者論以違制律先是政和末
嘗詔毋得令人置肆以鬻今併禁之諸路增酒錢如
元豐法悉充上供為戶部用毋入轉運司七年諸路鬻

醋息率十五為公使餘如鈔旁法令提刑司季具儲
備之數毋得移用靖康元年兩浙路酒價屢增較熙
豐幾倍而歲稔米麴直賤民規利輕冒法遂令罪所
增價渡江後屈於養兵隨時增課名目雜出或主於
提刑或領於漕司或分隸於經總制司惟恐軍資有
所未裕建炎三年總領四川財賦趙開遂大變酒法
自成都始先罷公帑實供給酒即舊撲買坊場所置
隔釀設官主之民以米入官自釀斛輸錢三十頭子
錢二十二明年徧下其法於四路歲逋增至六百九
十餘萬緡凡官糟四百所私店不預焉於是東南之

酒額亦日增矣四年以米麴價高詔一等升增二十文下等升增十八文俟米麴價平依舊紹興元年兩浙酒坊於買撲上添淨利錢五分季輸送戶部又增諸酒錢上升二十文下十文其諸州軍賣酒虧折隨宜增價一分州用一分漕計一分隸經制司先是酒有定價每增須上請是後郡縣始自增而價不一矣五年令諸州酒不以上下升增五文隸制總司六年以紹興二年以後三年中一年中數立額其增羨給郡縣用罷四川州軍縣鎮酒官百七負其酒息微處並罷之七年以戶部尚書章誼等言行在置贍軍酒

庫四川制置使胡世將即成都潼川資普廣安立清酒務許民買撲歲為錢四萬八千餘緡自趙開行隔槽法增三十四萬六千餘緡紹興元年及世將改官監所入又自後累增至五十四萬八千餘緡紹興二年而外邑及戶坊場又為三十九萬緡淳熙二年然隔槽之法始行聽就務分槽醞賣官計所入之米而收其課若未病也行之既久醞賣虧欠則責入米之家認輸不復覈其米而第取其錢民始病矣十年罷措置贍軍酒庫所官吏悉歸戶部以左曹郎中兼領以點檢贍軍酒庫為各與本路漕臣共其事十五年弛變路

酒禁以南北十一庫並充贍軍激賞酒庫隸左右司
 十七年省四川清酒務監官成都府二負興元遂寧
 府漢綿邛蜀彭簡果州富順監并漢州綿州縣各一
 負二十一年詔諸軍買撲酒坊監官賞格依舊三四萬
 貫已上場務增及一倍減一年磨勘二倍減二年磨勘
 三倍減三年磨勘四倍減四年磨勘二萬一萬貫已上
 場務增及一倍減三年磨勘二倍減一年磨勘三倍減
 三年磨勘七千貫已上場務增及一倍減一年磨勘
 七千貫已下場務增及一倍減一年磨勘四倍減二年磨勘
 二年磨勘三萬貫減三年磨勘二萬貫減二年磨勘
 磨勘四萬貫減四年磨勘
 酒二十七年以隔槽酒擾民許買撲以便民罷官監後
 復之三十年以點檢措置贍軍酒庫改隸戶部既

而戶部侍郎邵大受等言歲計賴經總制窠名至多
 今諸路歲虧二百萬甘緣諸州公使庫庫造別置店
 酤賣以酒務例比皆取壞詔罷諸州別置酒庫如軍
 糧酒庫防月庫月椿庫之類并省務寄造酒及帥司
 激買酒庫凡未分隸經總制錢處並立額分隸補赴
 虧額三十一年殿帥趙密以諸軍酒坊六十六歸之
 云不現九同安郡王揚存中罷殿帥復以私撲酒坊
 元之歲通收息六十萬緡有奇以十分為率七分
 輸送行在三分給漕計蓋自軍興以來帥擅權酤
 之利由是縣官始得資之以佐經費焉存宗乾道元

宋史 一百八十五 卷一百一十五 九 芳華寫

四百个
年以浙東西犒賞庫六十四隸三衙輸課於左藏南
庫餘錢充隨年贍軍及造軍器二年詔臨安府安撫
司酒庫悉歸贍軍并贍軍諸庫及臨安府安撫司酒
務令戶部取三年所收一年中數立額日售錢萬緡
歲收本錢一百四十萬息錢百六十萬翅錢二萬
羨餘獻以內藏者又二十萬其後增為五十萬四年
立場務官賞故七年以淮西總領周闕言總所庫四
安撫司庫五都統司庫十八馬軍司庫一增置行宮
庫一共為庫二十九以三年最高年為額其行宮新
庫息錢除分認諸處錢及糜費以淨息三分為率一

分輸御前酒庫以提領建康戶部贍軍酒庫為名
遂鑄印及改庫名八年知常德府劉邦瀚言江北之
民困於酒坊至貧之家不捐萬錢則不能舉一吉凶
之禮乃檢乾道重脩敕令申嚴抽貢之禁淳熙三年
詔四川酒課折估困弊可減額錢四十七萬三千五
百餘緡令禮部給降度牒六百六十一道補還今歲
減數明年於四川合給湖廣總所錢補之寧宗開禧
元年知臨安府兼點檢贍軍激賞庫趙善防轉運判
官提領戶部犒賞酒庫詹徽之言官吏冗費請諸司
官屬兼管明年又以鄂省言課額失陷依舊辟置初

趙開之六隔釀法也蓋以紓一時之急其後行之諸郡國家贍兵郡亦經費率取給於此故雖罷行增減不一而足而其凶卒不可廢云

阮冶凡金銀銅鐵鉛錫監冶場務二百有一金產商饒歙撫四州南女軍銀產鳳建桂陽三州有三監饒信虔越衢處道祐汀漳南劍韶廣英連恩春十七州建昌邵武南安三軍有五十一場秦隴興元三州有三務銅產饒處建英信汀漳南劍八州南安邵武二軍有三十五場梓州有一務鐵產徐兗相三州有四監河南鳳翔同號儀蘄黃袁英九州興國軍有十二

冶晉磁鳳澧道渠合梅陝耀坊虔汀吉上口州六二十務信鄂連建南劍五州邵武軍有二十五場鉛產越建連英春韶衢汀漳南十州南安邵武二軍有三十六場務錫產河南虔道賀潮循七州南安軍有九場水銀產秦階商鳳四州有四場朱砂產商宜二州富順監有三場開寶三年詔曰古者不貴難得之貨後代賦及山澤上加侵削下益彫弊每念茲事深疚于懷未能捐金於山豈忍奪人之利自今桂陽監歲輸課銀宜減三分之一民鑄銅為佛像浮圖及人物之無用者禁之銅鐵不得闌出蕃界及化外

至道二年有司言定州諸山多銀礦而鳳州山銅礦復出採鍊大獲而皆良焉請置官署掌其事太宗曰地不愛寶當與衆庶共之不許東西川監酒商稅課半輸銀帛外有司請令二分入金景德三年詔以非土產罷之天聖中登萊採金歲益數千兩仁宗命獎勸官吏宰相王曾曰採金多則背本趨末者衆不宜誘之景祐中登萊饑詔弛金禁聽民採取俟歲豐復故然是時海內承平已久民間習俗日漸侈靡糜金以飭服噐者不可勝數重林莫能止焉景祐慶曆中屢下詔申救之語在輿服之大率山澤之利有限或

暴發輒竭歲採取歲又所得不償其費而歲課不足有司必責主者取盈仁宗英宗每降赦書輒委所有視治之不發者或廢之或蠲主者所負歲課率以為常而有司請有亦輒從之無所吝故治之興廢不常而歲課增損隨之皇祐中歲得金萬五千九十五兩銀二十一萬九千八百二十九兩銅五百一十萬八百三十四斤鐵七百二十四萬一千斤鉛九萬八千一百五十一斤錫三十三萬六百九十五斤水銀二千二百斤其後以赦書從事或有司所請廢治百餘既而山澤興廢至治平中或增治或復故者六十有

八而諸州院冶總二百七十一登萊商饒汀南恩六
 州金之冶十一登號秦鳳商隴越衢饒信虔柳衡漳
 汀泉建福南劍英韶連春二十三州南安建昌邵武
 三軍桂陽監銀之冶八十四饒信虔建漳汀南劍泉
 韶英梓十一州邵武軍銅之冶四十六登萊徐兗鳳
 翔陝儀邢魏磁虔吉袁信澧汀泉建南劍英韶渠合
 資二十四州興國邵武二軍鐵之冶七十七越衢信
 汀南劍英韶春連九州邵武軍鉛之冶三十商號虔
 道賀潮循七州錫之冶十六而水銀丹砂州冶與至
 道天禧之時則一皆置吏主之是歲視皇祐金藏九

十六百五十六銀增九萬五千三百八十四銅增一
 百八十七萬鐵錫增百餘萬鉛增二百萬又得丹砂
 二千八百餘斤獨水銀無增損焉熙寧元年詔天下
 寶貨院冶不發而負歲課者蠲之八年令近院冶坊
 郭鄉村并淘採烹鍊人並相為保保內及於院冶有
 犯知而不糾或傳盜不覺者論如保甲法元豐元年
 諸院冶金總收萬七百一十兩銀二十一萬五千三
 百八十五兩銅千四百六十萬五千九百六十九斤
 鐵五百五十萬一千九十七斤鉛九百十九萬七千
 三百三十五斤錫二百三十二萬一千八百九十八

宋史一百八十五
 勞莘寫

字四百个
斤水銀三千三百五十六斤朱砂三千六百四十六斤十四兩有奇先是熙寧七年廣西經畧司言邕州右江填乃洞產金請以鄧關鑿金場後五年凡得金為錢二十五萬緡關遷官者再焉元豐四年始以所產薄罷貢而虔吉州界鉛悉禁之七年戶部尚書王存等請復開銅禁各展磨勘年有差是歲阮冶凡一百三十六所領於虞部詔聖元年戶部尚書蔡京奏岑水場銅額寢虧而商號間苗脉多陝民不習烹採久廢不發請募南方善工詣陝西經畫擇地興冶於是許天啓同管幹陝西阮冶事二符三年天啓罷領

阮冶以其事歸之提刑司初新舊阮冶合為一司而漕司兼領天啓為同管幹欲專其事慮有所牽制乃請川陝京西路阮冶自為一司許檢束州縣刺舉官吏而漕司不復兼阮冶至是中書奏天啓所領首末六歲總新舊銅止收二百六萬餘斤而兵匠等費繁多故罷之崇寧元年提舉江淮等路銅事游經言信州膽銅古阮二一為膽水浸鉅工少利多其水有限一為膽土煎銅無窮而為利寡計置之初宜增本損息浸銅斤以錢五十為本煎銅以八十詔用其言諸路阮冶自川陝京西之外並令常平司同管幹所收

息薄而煩官監者如元符紹聖敕立額許民封狀承買四年湖北旺溪金場以歲收金千兩乃置監官廣東漕臣王覺自言嘗領常平講求山澤之利岑水一場去年收銅比租額增三萬九千一百斤較之常年亦增六十六萬一千斤遂增其秩是歲山澤阮冶名數令監司置籍非所當收者別籍之若弛興廢置移併亦令具注上於虞部大觀二年詔金銀阮發雖告言而方檢視私開淘取者以盜論阮冶舊不隸知縣縣丞者並令兼監賞罰減正官一等有冶地知縣月一行點閱言者論其職在宣導德澤平征賦獄訟不

宜爲課利走山谷間遂已之八月提舉陝西阮冶司改併入轉運司政和元年張商英言湖北產金非止辰沅靖溪峒其峽州夷陵宜郡縣荆南府枝江江陵縣赤湖城至鼎州皆商人淘採之地漕司旣之本錢提舉司買止千兩且無專司定額請置專切提舉買金司有金苗無官監者許遣部內州縣官及使臣掌幹詔提舉官措畫以聞仍於荆南置司廣東漕司復奏端州高明惠州信上立溪場皆宜停閉韶州曹峒場英州銀岡場皆併入英之清溪場惟黃坑場欲權存俟歲終會所入別奏惠州楊梅東阮康州雲列潮

州豐政連州元魚銅院黃田白寶廣州大利宜祿韶
 州伍注岑水銅岡循州大佐羅翊英州鐘銅凡十六
 場請並如舊循之夜明英之竹溪韶之思溪連之同
 安請更遣攝官從之三年尚書省言陝西路院治已
 遣官吏提轄措置川路金銀院治興廢慮失利源詔
 令陝西措置官兼行川路事院治所收金銀銅鉛錫
 鐵水銀朱砂物數令工部置籍籤注歲半消補上之
 尚書省自是戶工部尚書省皆有籍鉤考然所憑唯
 帳狀至有有額而無收有收而無額乃責之縣丞監
 官及曹部奉行者而更督適年違負之數九月措置

陝西院治蔣彛奏本路院治收金千六百兩他物有
 差詔輸大觀西庫彛增秩官屬各減磨勘年四年令
 監司遣官同諸縣丞遍視院治之利為圖籍籤注監
 司覆實保奏議遣官再覆酌重輕加賞異同脫漏者
 罪之六年川陝路各置提轄措置院治官劉芑計置
 萬永州產金一歲收二千四百餘兩特與增秩十二
 月廣東漕司言本路鐵場院治九十二所歲額收鐵
 二百八十九萬餘斤浸銅之餘無他用詔令官悉市
 以廣浸仍以諸司及常平錢給本尚書省奏五路院
 治已有提轄措置專司淮南湖北廣東西亦監司兼

領其餘路請並令監司領之於是江東西福建兩浙
 漕臣皆領院治七年提舉東南九路院治徐禔奏太
 平瑞應史不絕書今部內山澤院治若獲希世珍物
 及古寶器請赴書藝局上進蓋自政和初京西漕臣
 王璿奏太和山產水精知桂州王覺奏枕門等處產
 金及生花金田提轄京西院治王景文奏汝州青嶺
 鎮界產瑪瑙其後湟州界蕃官結彪地內金院千餘
 收生熟金四等凡百三十四兩有奇蔡京請宣付史
 館帥百官表賀故禔復有是請焉是時河北京東西
 及徐禔所領九路興脩院治類鑿空擾下抑州縣承

額於是降黜河北提轄官遣廉訪使者鄭諶并諸路
 廉訪悉究陳利病真偽八月中書奏院治寢已即緒
 詔京東西河北路并提舉東南九路院治並罷十一
 月尚書省言徐禔以東南黑鉛留給鼓鑄之餘悉造
 丹粉鬻以濟用詔諸路常平司以三十萬輸大觀西
 庫餘從所請明年令諸路鐵做茶鹽法榷鬻置鑪冶
 收鐵給引召人通市苗脉微者聽民出息承買以所
 收中賣於官私相貿易者禁之先是元豐六年京東
 漕臣吳居厚奏徐鄆青等州歲製軍器及上供簡鐵
 之類數多而利國萊蕪二監鐵少不能給請鐵從官

與煽所獲可多數倍自是官權鐵造器用以鬻於民至元祐罷之其後大觀初入內皇城使裴約為涇原幹當奏上渭州通判苗冲淑之言石河鐵冶既令民自採鍊中賣於官請禁民私相貿易農具器用之類悉官為鑄造其冶坊已成之物皆以輸官而償其直乃禁毋得私相貿易農具器用勿禁官自賣鐵唯許鑄瀉戶市之政和初臣僚言鹽鐵利均今鹽策推行已備而鐵貨尚未講畫請即冶戶未償之錢收其已鍊之鐵為器鬻之兼京東二監所出尤多河北固鎮等冶並官監其利不貲而河東鐵炭最盛若官權為

器以贍一路旁及陝雍利入甚廣且以銷盜鑄之弊又夏人茶山鐵冶既入中國之鐵為器聞以鹽易鐵錢於邊若官自為器則鐵與錢俱重可伐其謀請權諸路鐵擇其最盛者可置監設官總之槩諸路不越數十處餘止為鑄瀉之地屬之都監或監當官兼領凡農具器用皆官鑄造表以字號官本之餘取息二分以上仍置鐵引以通諸路儲其錢助三路鈔本詔戶部下諸路漕臣詳度會次年廣東路請以可監之地如舊法收其淨利苗脉微者召人承買官不權取遂併諸路詳度之旨不行至是臣僚復以為言故嚴買

易之禁而鐵利盡權於官然農具器用從民鑄造卒如舊法四月廣東廉訪黃烈等言廣惠英康韶州興慶府政和中寶貨司立阮冶金銀等歲額或苗脉微或無人承買而浮冗之人虛託其名發毀民田騷動邀販詔政和六年所立額並罷舊有苗脉可給歲課者如故十一月復諸路元罷提舉阮冶官其江南路仍令江西漕臣劉蒙同措置宣和元年石泉軍江溪沙磧延金許民隨金脉淘採立課額或以分數取之十月復置相州安陽縣銅冶村監官先是詔留邢州碁村磁州固鎮兩冶餘初置冶並罷而常平司謂銅

冶村近在河北得利多故有是命六年詔阮冶之利二廣為最比歲所入稽之熙豐十不逮一令漕臣鄭良提舉經畫分任官屬典掌計置取元豐以來歲入多數立額定為常賦阮冶司毋預焉時江淮荆浙等九路阮冶凡二百四十五鑄錢院監十八歲額三百餘萬緡五月詔阮冶舊隸轉運司者如熙豐紹聖法崇寧以後隸常平司者如崇寧法其江淮等路阮冶官屬如熙豐負數餘路官屬並罷仍令中書選提點官靖康元年諸路阮冶苗礦既微或舊有今無悉令蠲損凡民承買金場並罷宋初舊有阮冶官置場監

或民承買以分數中賣於官初隸諸路轉運司本錢亦資焉其物悉歸之內帑崇寧已後廣搜利冗推賦益備凡屬之提舉司者謂之新阮冶用常平息錢與刺利錢為本金銀等物往往皆積之大觀庫自蔡京始政和間數罷數復然告發之地多壞民田承買者立額重或舊有今無而額不為指欽宗即位詔悉罷之南渡阮冶廢興不常歲入多寡不同今以紹興三十二年金銀銅鐵鉛錫之冶廢興之數一千一百七十及乾道二年鑄錢司比較所入之數附之湖南廣東江東西金冶二百六十七廢者一百四十二湖南

廣東福建浙東廣西江東西銀冶一百七十四廢者八十四潼川湖南利州廣東浙東廣西江東西福建銅冶一百九廢者四十五舊額歲七百五萬七千二百六十斤有奇乾道歲入二十六萬三千一百六十八斤有奇淮西夔州成都利州廣東福建浙東廣西江西東西鐵冶六百三十八廢者二百五十一舊額歲二百一十六萬二千一百四十斤有奇乾道歲入八十八萬三千斤有奇淮西湖南廣東福建浙東江西鉛冶五十二廢者一十五舊額歲三百二十一萬三千六百二十斤有奇乾道歲入一十九萬一千二百四

字四百个
十斤有奇湖南廣東江西錫冶一百一十八廢者四
十四舊額歲七十六萬一千二百斤有奇乾道歲入
二萬四百五十斤有奇宋初諸冶外隸轉運司內隸
金部崇寧二年始隸右曹建炎元年復隸金部轉運
司隆興二年阮治監官歲收買金及四千兩銀及十
萬兩銅錫及四十萬斤鉛及一百二十萬斤者轉一
官守倅部內歲比祖額增金一萬兩銀十萬兩銅一
百萬斤亦轉一官令丞歲收買及監官格內之數減
半推賞慶元二年宰執言封樁銀數比淳熙末年虧
額幾百五十萬今務場所入歲不滿三十萬而歲奉

三宮及用寶費約四十萬恐愈侵銀額欲權以三分
為率一分支銀二分支會子上曰善端平三年赦曰
諸路州縣阮治興發在觀寺祠廟公宇居民墳地及
近墳園林地者在法不許人告亦不得受理訪聞官
司利於告發更不究實多致擾害自許人戶越訴官
吏并訟者重寘典憲及有阮治停閉苗脉不發之所
州縣勒令阮戶虛認歲額提點鑄錢司覈實追正
礬唐於晉州置平陽院以收其利開成三年度支奏
罷之乃以礬山歸之州縣五代以來復初務置官吏
宋因之白礬出晉慈坊州無為軍及汾州之靈石縣

綠礬出慈隰州及池州之銅陵縣皆設官典領有錢戶鬻造入官市晉汾慈州礬以一百四十斤為一駄給錢六千隰州礬駄減三十斤給錢八百博賣白礬價晉州每駄二十一貫五百慈州又增一貫五百綠礬汾州每駄二十四貫五百慈州又增五百隰州每駄四貫六百散賣白礬坊州斤八十錢汾州百九十二錢無為軍六十錢綠礬斤七十錢建隆中詔商人私販幽州礬官司嚴捕沒入之繼定私販河東幽州礬一兩以上私鬻礬三斤及盜官礬者至十斤者棄市開寶三年增私販至十斤私鬻及盜毋滿五十斤者死餘

罪論有差太平興國初以歲鬻不充迺詔私販化外礬一兩以上及私鬻至十斤並如律論決再犯者悉配流還復犯者死淳化元年有司言慈礬滯積小民多於山谷僻奧之地私鬻侵利而綠礬價賤不冝與晉礬均法詔同犯私茶罪賞先是建隆二年命左諫大夫劉熙古詣晉州制置礬許商人輸金銀布帛絲綿茶及緡錢官償以礬凡歲增課八十萬貫太平興國初歲博緡錢金銀計一十二萬餘貫茶計三萬餘貫端拱初銀絹帛二萬餘貫茶計十四萬貫至是言者謂礬直酬以見錢商人以陳茶入博有利豪商無

資國用詔今後惟聽金銀見錢入博至道中白礬歲課九十七萬六千斤綠礬四十萬五千餘斤鬻錢一十七萬餘貫真宗末白礬增二十萬一千餘斤綠礬增二萬三千餘斤鬻錢增六萬九千餘貫天聖以來晉慈二州礬募民鬻之季鬻礬一益多者千五六百斤少者六七百斤四分輸一入官餘則官市之無為軍亦置務鬻礬後聽民自鬻官置場售之私售礬禁如私售茶法六年詔弛兩蜀推礬之禁時河東礬積益多復聽入金帛芻粟芻粟虛估高商人利於入中麟州粟斗實直錢百虛估增至三百六十礬之出官

為錢二萬一千五百總易粟六石計粟實直錢總六千而礬一駄已費本錢六千縣官徒有推礬之名其實無利嘉祐六年罷入芻粟復令入緡錢礬以百四斤為一駄入錢京師權貨務者為錢十萬七千入錢麟府州者又減三千自是商賈不得專其利矣皇祐中晉慈入礬二百二十七萬三千八百斤以易芻粟之類為緡錢十三萬六千六百無為軍礬售緡錢三萬三千一百治平中晉慈礬損一百九萬六千五百四斤無為軍礬售錢歲有常課發運使領之視皇祐數無增損隰州礬至是入三十九萬六千斤亦以易

字四与介
續錢助河東歲糴熙寧元年命河東轉運司經畫礬
鹽遺利李師中言官積礬三百斤走鹵消耗恐後為
棄物詔令商人入中糧草即以償之三年罷潞州交
子務以坊中納糧草筭請礬鹽故也知慶州王廣淵
言河東礬為利源之最請河東京東河北陝西別立
礬法專置提舉官詔遣光祿丞湯蟠會議以聞蟠言
坊州產礬官雖置場而商多私售請置鑊戶定其數
許於陝西北界黃河東限潼關南及京西均房襄鄧
金州光化軍令鑊戶遞相保察或私賣越界禁如私
白礬法仍增官獲私礬輒以夾雜減斤重之法從之

元豐元年定畿內及京東西五路許賣晉隰礬陝西
自潼關以西黃河以南達于京西均房襄鄧金州則
售坊州礬礬之出於西山保霸州者售於成都梓州
路出無為軍者餘路售之私鬻與越界者如私礬法
自熙寧初礬法始變歲課所入元年為錢三萬六千
四百緡有奇併增者五年乃取熙寧六年中數定以
十八萬三千一百緡有奇為新額至元豐六年課增
至三十三萬七千九百緡而無為軍礬歲課一百五
十萬斤用本錢萬八千緡自治平至元豐數無增損
元祐元年戶部言商旅販礬舊聽其便迺者發運司

請用河東例令染肆鋪戶連保豫買頗致抑擾詔如舊制元符三年崇儀使林像奏禁河北土礬非便若即河北產礬地置場官買增價出之罷運晉礬則官獲淨利無運載之勞民資地產省犯法之弊詔下戶部初熙豐間東南九路官自賣礬發運司總之元祐初通商紹聖復熙豐之制大觀元年定河北河東礬額各二十四萬緡淮南九萬緡罷官賣從商販而河東河北淮南各置提舉官政和初復官鬻罷商販如舊制淮南礬事司罷歸發運司上供礬錢責以三萬三千一百緡為額三年有司奏減河北河東并淮南

礬額計十六萬緡四年礬額復循大觀之制五年河北河東緣礬聽客販於東南九路民間見用者依通商地籍之聽買新引帶賣大率循故鹽法宣和中舉比較增虧賞罰未幾以擾民罷建炎三年措置財用黃潛厚奏許商人販淮南礬入東南諸路聽輸錢行在而持引擬赴場支礬紹興十一年以鑄錢司韓球言撫州青膽礬斤錢一百二十文土礬斤三十文省鉛山場所產品高於撫青膽礬斤作一百五十文黃礬斤作八十文二十九年以淮西提舉司言取紹興二十四年至二十八年所收礬錢一年中數四萬一

千五百八十五緡爲定額其他產礬之所若潭州瀏陽之永興場韶州之岑水場皆置場給引歲有常輸惟漳州之東去海甚邇大山深阻雖有采礬之利而潮梅汀贛四州之姦民聚焉其魁傑者號六洞主小洞主土著與負販者皆盜賊也

香宋之經費茶鹽礬之外惟香之爲利博故以官爲市焉建炎四年泉州抽買乳香一十三等八萬六千七百八十斤有奇詔取赴權貨務打套給賣陸路以三千斤水路以一萬斤爲一綱紹興元年詔廣南市舶司抽買到香係行在品荅成套召人筭請其所售

之價每五萬貫易以輕貨輸行在六年知泉州連南夫奏請諸市舶綱首能招誘舶舟抽解物貨累價及五萬貫十萬貫者補官有差大食蕃客囉辛販乳香直三十萬緡綱首蔡景芳招誘舶貨收息錢九十八萬緡各補承信郎閩廣舶務監官抽買乳香每及一百萬兩轉一官又招商入蕃興販舟還在罷任後亦依此推賞然海商入蕃以興販爲招誘僥倖者甚衆淳熙二年柳桂寇起以科買乳香爲言詔湖南路見有乳香並輸行在權貨務免科降十二年分撥權貨務乳香於諸路給賣每及一萬貫輸送左藏南庫十五

年以諸路分賣乳香擾民令止就推貨務招客筭請
紹熙三年以福建舶司乳香虧數詔依前博買開禧
三年任博買嘉定十二年臣僚言以金銀博買減之
遠夷為可惜乃命有司止以絹帛錦綺瓷漆之屬博
易聽其來之多寡若不至則任之不必以為重也

志卷第一百三十八

志卷第一百三十九

宋史一百八十六

開禧博買司一檣國錄國事節書右丞相兼修國史領議事都總裁長院等奉

勅修

食貨下八

商稅均輸

市場互市舶法

商稅凡州縣皆置務關鎮亦或有之大則專置官監
臨小則令佐兼領諸州仍令都監監押同掌行者齎
貨謂之過稅每千錢算二十居者市鬻謂之住稅每
千錢算三十大約如此然無定制其名物各隨地宜
而不一焉行旅齎裝非有貨幣當算者無得發篋搜
索凡販夫販婦細碎交易嶺南商賈齎生藥及民間

所織縑帛非鬻於市者皆勿算常稅名物今有司件
折頒行天下揭于版置官署屋壁俾其遵守應算物
貨而輒蔽匿為官司所捕獲沒其三分之一以半畀
捕者販鬻而不由官路者罪之有官須者一取其
謂之抽稅自唐室藩鎮多便宜從事擅其征利以及
五季諸國益務培聚財貨以自贍故征算尤繁宋興
所下之國必詔蠲省屢敕官吏毋事煩苛規羨餘以
徼恩寵大中祥符六年始免諸路州軍農器之稅諸
州津渡舊皆有算或水涸改置橋梁有司猶責主者
備償建隆初詔除滄德棣淄齊鄆乾渡三十九處算

錢水漲聽民置渡勿收其算自是有類此者多因恩
宥蠲除其餘橘園魚池水碓社酒蓮藕鵝鴨螺蚌柴
薪地鋪枯牛骨漑田水利等名皆因諸國舊制前後
屢詔廢省緣河州縣民船載粟亦輸算三年始罷陳
州私置蔡河鎖民船勝百斛者取百錢有所載倍其
征太平興國三年乃悉除之至道元年詔江南溪渡
多公吏蒙民典其事量輸官課而厚算行旅州縣宜
加嚴禁所輸年額錢伍千以下者並免不係色役近
便人戶掌船濟渡毋得擾人至道中歲入稅課錢四
百萬貫天禧末增八百四萬貫天聖以來國用寢廣

有請算緡錢以助經費者仁宗曰貨泉之利欲流天下通有無何可算也一日內出蜀羅一端為印朱所漬者數重因詔天下稅務毋輒污壞商人物帛康定元年西邊兵費不給州縣或增所算名物朝廷知之悉命蠲去既而下詔敕勵且戒毋搜索行者家屬歲儉則免算耕牛水鄉又或弛蒲魚果蔬之稅民流而渡河者亦為之免算應算而匿不自言者雖聽人捕告抵罪如舊法然湏物皆見在乃聽以防誣罔至於歲課羸縮屢詔有司裁定前後以詔蠲放者不可勝數皇祐中歲課緡錢七百八十六萬三千九百嘉祐

以後弛茶禁所歷州縣收算錢至治平中歲課增六十餘萬而茶稅錢居四十九萬八千六百熙寧以來河北河東陝西三路支移民以租賦齎貨至邊貿易以輸官者勿稅河北流民復業者所過免算後以歲稔慮逸歲課復舊五年以在京商稅院隸提舉市易務七年減國門之稅數十種錢不滿三十者蠲之其先外城二十門皆責以課息近令隨閑要分等以檢捕獲失之數為賞罰既而以歲旱復有是命元豐元年濱棣滄州竹木魚果炭箔稅不及百錢者蠲之二年熙河路制置邊防財用李憲擅權本路商貨令漕

臣蔣之奇劾其罪導洛通汴司請置堆棧場於泗州買物至者先入官場官以船運至京稍輸船算明年詔近京以通津水門外順成倉為場非導洛司船而載商稅入汴者許糾告雖自請稅猶如私載法惟日用物非販易若發箔柴草竹木之類勿禁瓊管奏海南收稅較船之丈尺謂之格納其法分三等有所較無幾而輸錢多寡十倍買物自泉福兩浙湖廣至者皆金銀物帛直或至萬餘緡自高化至者唯米包瓦器牛畜之類直纔百一而槩收以丈尺故高化商人不至海南遂之牛米請自今用物貴賤多寡計稅官

給文憑聽鬻於部內否則許糾告以船貨給賞詔如所奏六年京東漕臣吳居厚言商人負正稅七萬六千餘緡倍稅十五萬二千餘緡詔蠲其倍稅納正稅百千以下期以三年百千以上五年元祐元年戶部請令在京商稅院酌取元豐八年錢五十五萬二千二百六十一緡有奇以為新額自明年始三年又以天聖歲課為額蓋戶部用五年併增之法立額既重歲課不登故言者論而更之七年罷諸路承買土產稅場初罷江南路承買而河東轉運司以為較元祐六年官鹽額增三萬餘緡遂行之諸路八年權蠲商

人載米入京糶賣力勝之稅先是熙寧六年蘇湖歲
 稔穀價比淮南十五而商船以力勝稅不至嘗命權
 蠲惠止一方未為定法及汴泗梁場法行穀船毋得
 增置而力勝之稅益三之一至是蘇軾言法不稅五
 穀請削去力勝錢之條而行天聖免稅之制既而尚
 書省亦言在京穀貴欲平其直復權蠲之後徽宗宣
 和中以州縣災傷并贍給都下亦一再免旋復如舊
 惟兩浙并東北鹽以鹽事司之請遂不復征自哲宗
 即位罷導洛物貨場紹聖四年監從熙提舉京城所
 欲復其事令泗州及京師洛口各置梁場并請復麵

市牛羊圈詔下尚書省久之遂寢至是提舉汴河隄
 岸王憲復言之且請假溫明州運船給用命太府少
 卿鄭僅同詳度明年竟詔勿行五年令戶部取天下
 稅務五年所收之數酌多寡為中制頒諸路揭版示
 之率十年一易其增名額及多稅者並論以違制大
 觀元年凡典買牛畜舟車之類未印契者更期以百
 日免倍稅二年詔在京諸門凡民衣履穀菽鷄魚蔬
 果柴炭瓷瓦器之類並蠲其稅歲終計所蠲數令大
 觀庫給償宣和二年宮觀寺院臣僚之家商販令關
 津搜閱如元豐法輸稅歲終以次數報轉運司取旨

初元符令品官供家服用物免稅至建中靖國初馬牛駝驢騾已不入服用例而比年臣僚營私牟利者衆宮觀寺院多有專降免稅之旨皆以船舶賈販故有是詔漕臣劉旣濟起應奉物兩浙淮南等路稅例外增一分以供費三年詔罷之凡以蠶織農具耕牛至兩浙江東者給文憑蠲稅一年四年令諸路近歲所增稅錢悉歸應奉司七年以歲歉之後用物少而民艱食在京及畿內油炭麵布絮稅并力勝錢並權免提舉京東常平揚運奏本路牛價貴田多荒萊請令販牛至本路者仍給文憑蠲稅俟二年足如舊從

之靖康元年詔都城物價未平凡稅物權更蠲稅一年臣僚上言祖宗舊制并政和新令場務立額之法並以五年增虧數較之併增者取中數併虧者取最高數以為新額故課息易給而商旅可通近諸路轉運司不循其法有益無損致物價騰踴官課愈負請令諸路提刑下諸郡準舊法釐正立額詔依所奏高宗建炎元年詔販貨上京者免稅明年又詔販糧草入京抑稅者罪之凡殘破州縣免竹木磚瓦稅北來歸正人及兩淮復業者亦免路稅紹興三年臨安火免竹木稅然當時都邑未奠兵革未息四方之稅間

有增置及於江灣浦口量收海船稅凡官司回易亦
 並收稅而寬弛之令亦錯見焉如諸路增置之稅場
 山間迂僻之縣鎮經理未定之州郡悉罷而免之又
 以稅網太密減併者一百三十四罷者九免過稅者
 五至於牛米薪麪民間日用者並罷孝宗繼志凡高
 宗省罷之未盡者悉推行之又以臨安府物價未平
 免淳熙七年稅一半光寧以降亦屢與放免商稅或
 一年或五月或三月凡遇火放
免竹木之稅亦然光寧嗣服諸郡稅額皆累有放免然當是
 時雖寬大之旨屢頒關市之征迭放而貪吏並緣苛
 取百出私立稅場算及緡錢斗米束薪菜茹之屬擅

用稽察措置添置專欄收檢虛市有稅空舟有稅以
 食米為酒米以衣服為布帛皆有稅遇士夫行李則
 搜囊發篋目以興販甚者貧民貿易瑣細于村落指
 為漏稅輒加以罪空身行旅亦白取百金方紆路避
 之則欄截叫呼或有貨物則抽分給賞斷罪倍輸倒
 囊而歸矣聞者咨嗟指為大小法場與斯民相刃相
 劑不啻讎敵而其弊有不可勝言矣

市易之設本漢平準將以制物之低昂而均通之其
 弊也以官府作賈區公取牙儈之利而民不勝其煩
 矣熙寧三年保平軍節度推官王韶倡為緣邊市易

之說巧假官錢為本詔秦鳳路經略司以川交子易物貨給之因命詔為本路帥司幹當兼領市易事時欲移司於古渭城李若愚等以為多聚貨以啓戎心又妨秦州小馬大馬私貿易不可文彥博曾公亮馮京皆避之韓絳亦以去秦州為非唯王安石曰古渭置市易利害臣雖不敢斷然如若愚奏必無可慮七月詔轉運司詳度復問陳升之升之謂古渭極遠恐啓羣羌闕覲心安石乃言今蕃戶富者往往蓄緡錢二三十萬彼尚不畏劫奪豈朝廷威靈乃至衰弱如此今欲連生羌則形勢欲張應接欲近古謂邊地便

於應接商旅並集居者愈多因建為軍增兵馬擇人守之則形勢張矣且蕃部得與官市邊民無復逋負足以懷來其心因收其贏以助軍費更闢荒土異日可以聚兵時王安石為政汲汲焉以財利兵革為先其市易之說已見於熙寧二年建議立均輸平準法之時故王韶首迎合其意而安石力主之雖以李若愚陳升之韓絳諸人之議而卒不可回五年遂詔出內帑錢帛置市易務于京師先是有魏繼宗者自稱草澤上言京師百貨無常價貴賤相傾富能奪貧能與乃可以為天下今富人大姓乘民之亟牟利數倍財既

備聚國用亦屈請假權貨務錢置常平市易司擇通財之官任其責求良賈為之轉易使審知市物之價賤則增價市之貴則損價鬻之因收餘息以給公上於是中書奏在京置市易務官凡貨之可市及滯於民而不售者平其價市之願以易官物者聽若欲市於官則度其抵而貸之錢責期使償半歲輸息十一及歲倍之凡諸司配率並仰給焉以呂嘉問為提舉賜內庫錢百萬緡京東路錢八十七萬緡為本三司請立市易條有兼并之家較固取利有害新法本務覺察三司按治之文帝削去之七月以權貨務為市

易西務下界市易務為東務上界以在京商稅院雜買務雜賣場隸焉又賜錢帛五十萬于鎮洮軍置司市易極苛細道路怨謗者籍籍上以諭安石請宣示事實帝以鬻鬻水市梳櫟等數事語之安石皆辯解後帝復言市易鬻果太煩碎罷之如何安石謂立法當論有害於人與否不當以煩碎廢也自是諸州上供簾席黃蘆之類六十色悉令計直從民願鬻者帝之以給用六年詔在京市易幹當公事孫迪同兩浙淮東轉運司議置杭州市易務利病以聞其後以市易上界所償內帑錢三十萬緡假之為本又賜夔州路

轉運司度僧牒五百置市易于黔州選本路在任已
 替官監之仍以知州或通判提舉令在京市易務及
 開封府司錄同詳度諸行利病於是詳定所請約諸
 行利入薄厚輸免行錢以祿吏蠲其供官之物禁中
 所須並下雜賣場雜買務置市司估物價低昂凡內
 外官司欲占物價悉於是乎取決從之改提舉在京
 市易務為都提舉市易司諸州市易務皆隸焉又詔
 三司幹當公事李杞等同詳度成都置市易務七年
 帝與輔臣論及成都市易事馮京曰曩因權市物致
 王小波之亂今頗以市易為言安石曰彼以饑民衆

官不之恤相聚為盜耳帝問李杞行邪安石曰未也
 然保市易必不能致亂帝猶慮蜀人駭擾安石謂已
 遣使乃遽罷豈不為四方笑乃已然其後竟罷杞等
 詳度三月詔權三司使曾布翰林學士呂惠卿同究
 詰市易事先是帝出手詔付布謂市易司市物頗害
 小民之業衆言喧譁布乃引監市易務魏繼宗之言
 以為呂嘉問多取息以干賞商旅所有者盡收市肆
 所無者必索率賤市貴鬻鬻廣衰贏餘是挾官府為兼
 并也王安石具奏明其不然乃更令惠卿借布究詰
 之帝尋復以手札賜布令求對布即上行人所訴并

疏惠卿姦欺狀且言臣自立朝以來每聞德音未嘗
 不欲以王道治天下今市易之為虐凜凜乎間架除
 陌之事矣嘉問奏近遣官往湖南販茶陝西販鹽兩
 浙販紗皆未敢計息臣以謂如此政事書之簡牘不
 獨唐虞三代所無歷觀秦漢以來衰亂之世恐未之
 有也四月布復陳薛向罪茶僧不當帝惻然咨嗟及
 言三司決責商人多濫時帝猶必欲按治而安石主
 用惠卿不可去蓋謀變其事也帝疑焉故仍以屬布
 既而中書奏事已帝論及市易且曰朝廷設此本欲
 為平準之法以便民今正爾相反使中下之民失業

若此宜脩補其法令元詳定呂嘉問吳安持同韓維
 孫永問行人輸錢免行利病參知政事馮京曰開封
 祥符縣給民錢有出息抵當銀絹米麥緩急喪葬之
 目七八種其初給錢往往願請積數既多實艱輸送
 帝曰如此吾民安得泰然也時布與惠卿方究市易
 事率數日一對帝初是布言已而從惠卿之請拘魏
 繼宗於開封府既而布與惠卿即東府再詰行人所
 訴狀如前不變而安石懇求去位引惠卿執政提舉
 楚州市易蔣之奇奏監務王景彰擁市商人物非法
 及虛作中糴入務立詭名糴之白輸息錢謂之乾息

又抑賈販毋得至他郡名為留難帝謂輔臣曰景彰
違法害人宜即治其罪時呂惠卿已參朝政而究詰
市易未竟詔促之惠卿請令中書悉取按牘異同以
奏後二日布對延和殿條析先後所陳并較治平熙
寧入出錢物數以問帝方慮歲費浸廣令布送中書
五月乃詔章惇曾孝寬即軍器監鞫布所究市易事
又令戶房會財賦數與布所陳異而呂嘉問亦以雜
買務多八月息不覺皆從公坐有差未幾布褫職與
嘉問俱出守郡魏繼宗仍奪秩勒停初市易之建布
實預之後揣上意有疑遂急治嘉問而惠卿與布有

夙怨故卒擠之而市易始廢三司使章惇請假內藏
錢五百萬緡令市易司去以幹局者分四路入中計見
鹽引及乘賤糴買詔假二百萬緡八年復呂嘉問提
舉市易二月鳳翔大名首定府永興安肅軍秦瀛定
越真州並置市易司以惠州阜民監錢十萬緡給廣
州市易務司農寺坊場錢三十萬緡給鄆州市易九
年又以在京市易司物貨十五萬緡給熙河市易司
九月中書言市易息錢并市例錢總收百三十三萬
二千緡有奇詔嘉問安持等推恩有差自後凡二年
一較十年定上界本錢以七百萬緡為額不足以歲

宋史二百八十六 宋史卷二百九十一 十一 樂維新寫

所收息益之其貸內帑錢歲償以息二十萬緡元豐元年以都提舉王居卿請令貸市易錢貸者許用金帛等為抵收息毋過一分二釐不及年者月計之願皆得錢或欲以物貨兼給者聽市易司請遣官以物貨至諸路貿易十萬緡以上期以二年二十萬緡以上三年及三分者比適年推恩八分者理為任期盡不及者勿賞官吏厚給並罷二年經制熙河路邊防財用李憲言蕃賈與牙僧私市其貨皆由他路避稅入秦州乃令秦熙河岷州通遠軍五市易務募牙僧引蕃貨赴市易務中賈私市者許糾告賞倍所告

之數以田宅抵市易錢久不償者估實直如賣坊場河渡法若未輸錢者官收其租息在京市易務亦如之三年詔免行月納錢不及百者皆免凡除八千六百五十四人九月王居卿又言市易法有三結保貸請一也契要金銀為抵二也質遷物貨主也三者惟保貸法行之久負失益多往歲罷貸錢而物貨如故請自今所貸歲約毋過二百萬緡聽舊戶貸請以相濟續非舊戶惟用抵當質遷之法詔中書立法以聞於是中書奏在京物貨許舊戶貸請歛而復散通所負毋過三百萬緡諸路毋過四之一詔如所奏是歲

四百个
經制熙河邊防財用司會其置司以來所收息元豐
初四十一萬四千六百二十六緡石次年六十八萬
四千九十九緡石四年從都提舉賈青請於新舊城
外內置四抵當遣官掌之罷市易上界等處抵當以
便民五年詔外內市易務所負錢寬以三歲均月限
以輸限內罰息並除之先是王安禮在開封日有負
市易錢者累訴於庭安禮既執政言於帝曰市易法
行取息滋多而輸官不時者有罰息民至窮困願詔
蠲之帝曰羣臣未有為朕言者其令民以限輸免其
罰息安禮退批詔加內外字蔡確曰方帝有旨無外

內字公欲增詔邪安禮曰亦不止言內字卒加之八
月置饒州景德鎮瓷窑博易務六年蘭州增置市易
務以通蕃漢貿易七年改市易下界為權貨務令諸
州旬估物價既定報提舉司提舉司下所部州州下所
屬募民出抵或錢以市收息毋過二分詔諸路常平
司錢留其半以二分為市易抵當蓋自五年賈青以
平準物價與金銀之類行抵當於畿縣次年行之諸
路以常平市易賒貸及寬剩錢為本五路各十萬緡
餘路五萬緡至是復有是詔若無抵當而物貨宜易
者亦聽變鬻八年罷諸鎮若市易

抵當八月詔諸郡
抵當有取息者導可

濟民乏者存之其餘抵當并州縣市易並罷元祐元年內外監督市易及坊場淨利錢許以所入息并罰錢比計若及官本者並釋之紹聖四年三省言熙寧興置市易元祐一切罷去不原立法之意詔戶部太府寺詳度復置市易務惟以錢交市收息毋過二分勿令貸請元符三年改市易務為平準務戶部太府寺市易案改為平準案尚書省言平準務官吏等給費多并遣官市物格動于外近官鬻石炭市直遽增皆不便民詔罷平準務及官鬻石炭其在官物貨令有司轉易錢鈔償元給之所崇寧元年戶部奏平準

務錢物毋得他司移用二年以平準為南北兩務如舊分置官吏歲終考察能否行勸沮法五年郡縣應置市易者凡歲收息官吏用度之餘及千緡以上置官監五百緡以上令場務兼領餘並罷先是嘗詔府界萬戶縣及路在衝要市易抵當已設官置局其不及萬戶非衝要并諸鎮有官監而商販所會並如元豐令監當官兼領至是戶部復詳度以聞遂行其議建炎二年言者以為得不償費遂罷之而以其錢輸左藏庫惟抵當庫仍舊紹興元年罷諸州軍免行錢及行戶供應見任官買賣並依時違者以盜論四年

兩浙轉運司檄婺州市御爐炭湏胡桃紋鶉鳩色守
 臣王居正以為言上曰隆冬附火取温煖而已豈問
 炭之紋色乎命罷之諸類此者並禁止焉十三年蠲
 雷化高融宜廉邕欽賀貴免行錢十四年以開州兩
 縣在瓊部尤為僻遠減免行錢之半十五年以知漢
 陽軍韓斯言諸路收免行錢定數外多取一文以上以
 擅增稅賦法罪之十七年蠲百姓見輸免行錢三分
 之一十九年南郊赦盡蠲百姓免行錢欠是後凡赦
 皆然二十五年罷見輸免行錢禁下行買物以害及
 小商敷於鄉村故也淳熙元年罷市令司詔臨安府

及屬縣交易僧保錢減十之五七年諸路州縣交易
 僧保錢亦以十分為率與減五分嘉定二年以巨僚
 言輦轂之下買物於鋪戶無從得錢凡臨安府未支
 物價令即日盡數給還是後買物湏給見錢違許陳
 訴於臺嘉熙三年臣僚言今官司以官價買物行鋪
 以時直計之什不得二三重以遷延歲月而不償昏
 卒並緣之無藝積日既久類成白著至有遷居以避
 其擾改業以逃其害者甚而蔬菜魚肉日用所需瑣
 瑣之物販夫販婦所資錐刀以營斗升者亦皆以官
 價強取之終日營營而錢本俱成乾沒商旅不行衣

二百九十五个
食路絕望特降睿旨凡諸路州縣官司買物並以時
直不許輒用官價違者以贓定罪從之

均輸之法所以通天下之貨制為輕重歛散之術使
輸者既便而有無得以懋遷焉熙寧二年制置三司
條例司言天下財用無餘典領之官拘於弊法內外
不相知盈虛不相補諸路上供歲有常數豐年便道
可以多致而不能贏年儉物貴難於供億而不敢不
足遠方有倍蓰之輸中都有半價之鬻獨徒使富商大
賈乘公私之急以擅輕重歛散之權今發運使實統
六路賦入其職以制置茶鹽礬酒稅為事軍儲國用

多所仰給宜假以錢貨資其用度周知六路財賦之
有無而移用之凡糴買稅歛上供之物皆得從貴就
賤用近易遠令預知中都帑藏年支見在之定數所
當供辦者得以從便變易蓄買以待上令稍收輕重
歛散之權歸之公上而制其有無以便轉輸省勞費
去重歛寬農民庶幾國用可足民財不匱詔本司具
條例以聞而以發運使薛向領均輸平準事賜內藏
錢五百萬緡上供米三百萬石時議慮其為擾多以
為非向既董其事乃請設置官屬神宗使自擇之向
於是辟劉忱衛琪孫珪張穆之陳倩為屬又請有司

具六路歲當上供數中都歲用及見儲度可支歲月
 凡當計置幾何皆預降有司從之八月侍御史劉琦
 侍御史裏行錢顥等言向小人假以貨泉任其變易
 縱有所入不免奪商賈之利琦顥皆坐貶條例司檢
 詳文字蘇轍言昔漢武外事四夷內興宮室財用匱
 竭力不能支用賈人桑弘羊之說買賤賣貴謂之均
 輸雖曰民不加賦而國用饒足然法術不正吏緣為
 姦措克日深民受其病孝昭既立學者爭排其說霍
 光順民所欲從而予之天下歸心遂以無事今此論
 復興衆口紛然皆謂其患必甚於漢何者方今聚歛

之臣材智方略未見有桑弘羊比而朝廷破壞規矩
 解縱繩墨使得馳騁自由唯利是嗜其害必有不可
 勝言者矣轍亦坐去官於是知諫院范純仁言向儉
 巧刻薄不可為公運使人主當務省桑節用不當言
 利自後罷純仁諫職而諫官李常復論均輸不便權
 開封府推官蘇軾亦言均輸徒貴就賤用近易遠然
 廣置官屬多出緡錢豪商大賈皆疑而不敢動以為
 雖不明言販賣既已許之變易變易既行而不與商
 賈爭利未之聞也夫商賈之事曲折難行其買也先
 期而予錢其賣也後期而取直多方相濟委曲相通

四子介
倍稱之息由此而得今先設官置吏簿書廩祿為費已厚非良不售非賄不行是官買之價比民必貴及其賣也弊復如前商賈之利何緣而得朝廷不知慮此乃捐五百萬緡以予之此錢一出恐不可復縱使其間薄有所獲而征商之額所損必多矣帝方惑於安石之說言皆不行乃以向為天章閣待制遣太常少卿羅拯為使手詔賜向曰政事之先理財為急朕托卿以東南賦入皆得消息盈虛翕張歛散之而卿忠誠內固能倡舉職業導揚朕意底于成績朕甚嘉之覽奏慮流言致惑朕心匪石豈易轉也卿其濟之

以彊終之以不倦以稱朕意然均輸後迄不能成互市舶法自漢初與南越通關市而互市之制行焉後漢通交易於烏桓北單于鮮卑北魏立互市於南陲隋唐通貿易于西北開元定令載其條目後唐亦然而高麗回鶻黑水諸國又各以風土所產與中國交易宋初循周制與江南通市乾德二年禁商旅毋得渡江於建安漢陽蘄口直三權署通其交易內外羣臣輒遣人往江浙販易者沒入其貨緣江百姓及煎鹽亭戶恣其樵漁所造屨席之類權署給券聽渡江販易開寶三年徙建安權署於揚州江南平權署

雖存止掌茶貨四年置市船司于廣州後又於杭明
州置司凡大食古邏閣婆占城勃泥麻逸三佛齊諸
蕃並通貨貿易以金銀緡錢鉛錫雜色帛瓷器市香藥
犀象珊瑚琥珀珠琲鑲鐵鼈皮瑋瑁瑪瑙車渠水精
蕃布烏楠蘇木等物太宗時置權署于京師詔諸蕃
香藥寶貨至廣州交趾兩浙泉州非出官庫者無得
私相貿易其後乃詔自今惟珠貝玳瑁犀象鑲鐵鼈
皮珊瑚瑪瑙乳香禁權外他藥官市之餘聽市於民
雍熙中遣內侍八人齎敕書金帛分四路招致海南
諸蕃商人出海外蕃國販易者令並諸兩浙司市船

司請給官券違者沒入其寶貨淳熙二年詔廣州市
舶除權貨外他貨之良者止市其半大抵海舶至十
先征其一價直酌蕃貨輕重而差給之歲約獲五十
餘萬斤條株顆太平興國初私與蕃國人貿易者計
直滿百錢以上論罪十五貫以上黥面流海島過此
送闕下淳化五年申其禁至四貫以上徒一年稍加
至二十貫以上黥面配本州為役兵天聖以來象犀
珠玉香藥寶貨充牣府庫嘗斥其餘以易金帛芻粟
縣官用度實有助焉而官市貨數視淳化則微有所
損皇祐中總歲入象犀珠玉香藥之類其數五十三

四百八十八
萬有餘至治平中又增十萬熙寧五年詔發運使薛
向曰東南之利舶商居其一比言者請置司泉州其
初法講求之七年令舶船遇風至諸州界亟報所隸
送近地舶司權賦分買泉福瀕海舟船未經賦買者
仍赴司勘驗時廣州市舶虧歲課二十萬緡或以為
市易司擾之故海商不至令提舉司究詰以聞既而
市易務呂貌入舶司闡取蕃商物詔提舉司劾之九
年集賢殿脩撰程師孟請罷杭明州市舶諸舶皆隸
廣州一司令師孟與三司詳議之是年杭明廣三司
市舶收錢糧銀香藥等五十四萬一百七十三緡匹

斤兩段條箇顆臍隻粒支二十三萬八千五十六緡
匹斤兩段條箇顆臍隻粒元豐二年曹人入高麗貨
及五千緡者明州籍其名歲責保給引發船無引者
如盜販法先是禁人私販然不能絕至是復通中國
故明立是法三年中書言廣州市舶已脩定條約宜
選官推行詔廣東以轉運使孫迴廣西以陳倩兩浙
以副使周直孺福建以判官王子京罷廣東帥臣兼
領五年廣西漕臣吳潛言雷化州與瓊島對境而發
船請引於廣州舶司約五千里乞令廣西瀕海郡縣
土著商人載米穀牛酒黃魚及非舶司賦取之物免

至廣州請引詔孫迴詳度行之知密州范鍔言板橋
瀕海東則二廣福建淮浙西則京東河北河東三路
商賈所聚海舶之利顯於富家大姓宜即本州置市
舶司板橋鎮置抽解務六年詔都轉運使吳居厚條
析以聞元祐三年鍔等復言廣南福建淮浙賈人航
海販物至京東河北河東等路運載錢帛絲綿貿易
而象犀乳香珍異之物雖嘗禁榷未免欺隱若板橋
市舶法行則海外諸物積於府庫者必倍於杭明二
州使商舶通行無冒禁罹刑之患而上供之物免道
路風水之虞乃置密州板橋市舶司而前一年亦增

置市舶司於泉州賈人由海道往外蕃令以物貨名
數并所詣之地報所在州召保毋得參帶兵器或可
造兵器及違禁之物官給以券擅乘船由海入界河
及往高麗新羅登萊州境者罪以徒往北界者加等
崇寧元年復置杭明市舶司官吏如舊額三年令蕃
商欲往他郡者從舶司給券毋雜禁物姦人初廣南
舶司言海外蕃商至廣州貿易聽其往還居止而大
食諸國商亦丐通入他州及京東販易故有是詔凡
海舶欲至福建兩浙販易者廣南舶司給防船兵仗
如詣諸國法廣南舶司鬻兩所市物貨取息毋過二分

政和三年詔如至道之法凡知州通判官吏并船司使臣等毋得市蕃商香藥禁物宣和元年秀州開脩青龍江浦船舶輻輳請復置監官先是政和中置務設官於華亭縣後江浦湮塞蕃舶鮮至止令縣官無掌至是復設官專領焉四年蕃國進奉物如元豐法令船司即其地鬻之毋發至京師違者論罪契舟在太祖時雖聽緣邊市易而未有官署太平興國二年始令鎮易雄霸滄州各置榷務輦香藥犀象及茶與交易後有范陽之師罷不與通雍熙三年禁河北商民與之貿易時累年興所千里饋糧居民疲乏太宗

亦頗有厭兵之意端拱元年詔曰朕受命上穹居尊中土惟思禁暴豈欲窮兵至於幽薊之民皆吾赤子宜許邊疆互相市易自今緣邊戍兵不得輒恣侵略未幾復禁違者抵死北界商旅輒入內地販易所在捕斬之淳化二年令雄霸州靜戎軍代州鴈門砦置榷署如舊制所鬻物增蘇木尋復罷咸平五年契丹求復置署朝議以其翻覆不許知雄州何承矩繼請乃聽置於雄州六年罷景德初復通好請商賈即新城貿易詔北商齎物貨至境上則許之二年令雄霸州安肅軍置三榷場北商趨他路者勿與為市遣都

四百八十一
官員外郎孔揆等乘傳詣三榷場與轉運使劉綜并
所在長吏平互市物價稍優其直予之又於廣信軍
置場皆廷臣專掌通判兼領焉三年詔民以書籍赴
沿邊榷場博易者非九經書疏悉禁之凡官鬻物如
舊而增繒帛漆器杭糯所入者有銀錢布羊馬橐駝
歲獲四十餘萬天聖中知雄州張昭遠請歲會入中
金錢仁宗曰先朝置互市以通有無非以計利不許
終仁宗英宗之世契丹固守盟好互市不絕熙寧八
年市易司請假奉宸庫象犀珠直總二十萬緡於榷
場貿易明年終償之詔許九年立與化外人私貿易

罪賞法河北四榷場自治平四年其貨物專掌於三
司之催轄司而度支賞給案判官置簿督計之至是
以私販者衆故有是命未幾又禁私市硫黃焰硝及
以盧甘石入他界者河東亦如之元豐元年復申賣
書北界告捕之法西夏自景德四年於保安軍置榷
場以繒帛羅綺易駝馬牛羊玉璫毯甘草以香藥瓷
漆器薑桂等物易蜜蠟麝臍毛褐獐羚角礪砂柴胡
從蓉紅花翎毛非官市者聽與民交易入貢至京者
縱其為市天聖中陝西榷場二并代路亦請置場和
市許之及元昊反即詔陝西河東絕其互市廢保安

軍擁場後又禁陝西並邊主兵官與屬羌交易久之
元昊請臣數遣使求復互市慶曆六年復為置場于
保安鎮我二軍繼言驅馬羊至無放牧之地為徙保
安軍擁場于順寧若既而蕃商卒無至者嘉祐初西
人侵耕屈野河地知并州龐籍謂非絕其互市則內
侵不已且聞出兀城訛龐之謀若互市不通其國必
歸罪訛龐年歲間然後可與計議從之初第禁陝西
四路私與西人貿易未幾乃悉絕之治平四年河東
經略司言西界乞通和市自夏人攻慶州大順城詔
罷歲賜嚴禁邊民無得私相貿易至是上章謝罪不

復許之後二年令涇原熟戶及河東陝西邊民勿與
通市又二年因回使議立和市而私販不能止遂申
詔諸路禁絕既而河東轉運司請罷吳堡於寧州和
市如舊而麟州復奏有及人之請乃令鞏州銅錫以市馬
而織緜與急湏之物皆禁西北歲入馬事具兵志楚
蜀南粵之地與蠻獠溪峒相接者以及西州沿邊羌
戎皆聽與民通市熙寧三年王韶置市易司於秦鳳
路古渭若六年增置市易於蘭州自後於熙河蘭湟
慶渭延等州又各置折博務湖北路及沅錦黔江口
蜀之黎雅州皆置博易場重和元年燕瑛言交人服

順久毋令阻其貿易初廣西帥曾布請即欽廉州各
 創驛令交人就驛博買至是即用瑛兼廣西轉運副
 使同王蕃計畫焉建炎四年三月宣撫使張浚奏大
 食國遣人進珠玉寶具上曰大觀宣和間川茶不以
 博馬惟市珠玉故武備不脩遂致危弱如此今復捐
 數十萬緡易無用之物曷若惜財以養戰士乎諭張
 浚勿受量賜予以答之六月罷宣州歲市朱砂二萬
 兩紹興三年邕州守臣言大理請入貢上諭大臣止
 令賣馬不許其進貢四年詔川陝即永興軍威茂州
 置博易場移廣西買馬司于邕管歲捐金帛倍酬其

直然言語不通一聽譯者高下其手吏得因緣為姦
 六年大理國獻象及馬五百匹詔償其馬直却象勿
 受而賜書勞遣之十二年盱眙軍置榷場官監與北
 商博易淮西京西陝西榷場亦加之十九年罷國信
 所博易二十六年罷廉州貢珠散蟹蓋珠池之在
 廉州凡十餘接交陞者水洙可及而大珠生焉蟹往
 採之多為交人所取又為大魚所害至是罷之二十
 九年存盱眙軍榷場餘並罷乾道元年襄陽鄧城鎮
 壽春花靨鎮光州光山縣中渡市皆置榷場以守臣
 措置通判提轄五年省提轄官淳熙二年臣僚言溪

洞緣遠州縣道博易場官主之七年塞外諸戎販珠
玉入黎州官常邀市之臣僚言其贖貨啓釁非便止
合聽商賈百姓收買詔從之建炎元年詔市舶多以
無用之物費國用自今有博買篤褥香環瑪瑙貓兒
眼睛之類皆寘于法惟宣賜臣僚象笏犀帶選可者
輸送胡人謂三百斤為一婆蘭凡舶舟最大者曰獨
檣載一千婆蘭次者曰牛頭比獨檣得三之一又次
曰木船曰料河通得三之一隆興二年臣僚言熙寧
初立市舶以通物貨舊法抽解有定數而取之不苛
輸稅寬其期而使之待價懷遠之意實寓焉邇來抽

解既多又迫使之輸致貨滯而價減擇其良者如犀
角象齒十分抽二又博買四分珠十分抽一又博買
六分舶戶懼抽買數多止販麝色雜貨若象齒珠犀
比他貨至重乞十分抽一更不博買乾道二年罷兩
浙路提舉以守倅及知縣監官共事轉運司提督之
三年詔廣南兩浙市舶司所發舟還因風水不便船
破檣壞者即不得抽解七年詔見任官以錢附綱首
商旅過蕃買物者有罰舶至除抽解和買違法抑買
者許蕃商越訴計贓罪之舊法細色綱龍腦珠之類
每一綱五千兩其餘犀象紫礦乳檀香之類為麝色

每網一萬斤凡起一網遣衙前一名部送支脚乘贍
家錢一百餘緡大觀以後張大其數象犀紫礦皆作
細色起發以舊日一網分為三十二網多費脚乘贍
家錢三千餘貫至于乾道七年詔廣南起發籠色香
藥物貨每網二萬斤加耗六百斤依舊支破水脚錢
一千六百六十二貫有奇淳熙二年戶部言福建廣
南市舶司籠細物貨並以五萬斤為一全網南渡三
路舶司歲入固不少然金銀銅鐵海舶飛運所失良
多而銅錢之泄尤甚法禁雖嚴姦巧愈密商人貪利
而買遷黠吏受賕而縱釋其弊卒不可禁

志卷第一百三十九

志卷第一百四十

宋史一百八十七

開府儀同三司權輿國重事司書右丞相魯國公領選事都總裁具院等奉

勅修

兵一 禁軍上

宋之兵制大槩有三天子之衛兵以守京師備征戍曰禁軍諸州之鎮兵以分給役使曰廂軍選於戶籍或應募使之團結訓練以為在所防守則曰鄉兵又有蕃兵其法始於國初具籍塞下團結以為藩籬之兵其後分隊伍給旗幟繕營堡備器械一律以鄉兵之制今因舊史纂脩兵志特置于熙寧保甲之前而附

之鄉兵焉其軍政則有召募揀選廩給訓練屯戍遷補器甲馬政八者之目條分而著之以見歷朝因革損益之不同而世道之盛衰亦具是矣嗟乎三代遠矣秦漢而下得寓兵於農之遺意者惟唐府衛為近之府衛變而召募因循姑息至於藩鎮盛而唐以亡更歷五代亂亡相踵未有不由於兵者太祖起戎行有天下收四方勁兵列營京畿以備宿衛分番屯戍以捍邊圉于時將帥之臣入奉朝請獷暴之民收隸尺籍雖有桀驁恣肆而無所施於其間凡其制為什長之法階級之辨使之內外相維上下相制截然

而不可犯者是雖以矯累朝藩鎮之弊而其所懲者深矣咸平以後承平既久武備漸寬仁宗之世西兵招刺太多將驕士惰徒耗國用憂世之士屢以為言竟莫之改神宗奮然更制於是聯比其民以為保甲部分諸路以隸將兵雖不能盡拯其弊而亦足以作一時之氣時其所任者王安石也元祐紹聖遵守成憲迨崇寧大觀間增額日廣而乏精銳故無益於靖康之變時其所任者童貫也建炎南渡收潰卒招群盜以開元帥府其初兵不滿萬用張韓劉岳為將而軍聲以振及秦檜主和議士氣遂沮孝宗有志興復

而未能光寧以後募兵雖衆土宇日蹙况上無馭將之術而將有中制之嫌然沿邊諸壘尚能戮力効忠相與維持至百五十年而後亡雖其祖宗深仁厚澤有以固結人心而制兵之有道綜理之周密於此亦可見矣

禁兵者天子之衛兵也殿前侍衛二司總之其最親近扈從者號諸班直其次總於御前忠佐軍頭司皇城司驍驍院皆以守京師備征伐其在外者非屯駐屯泊則就糧軍也太祖鑒前代之失萃精銳於京師雖曰增損舊制而規撫宏遠矣建隆元年詔殿前侍

衛二司各閱所掌兵揀其驍勇升為上軍老弱怯懦置剩員以處之詔諸州長吏選所部兵送都下以補禁旅之闕又選強壯卒定為兵樣分送諸道其後代以木挺為高下之等散給諸州軍委長吏都監等召募教習俟其精練即送闕下二年改左右雄捷左右駾武軍並為駾捷左右備征為雲騎左右平遠為廣捷左右懷德為懷順四年賜河東樂平縣歸降卒元威以下二百六十六人衣服錢絹有差立為効順指揮乾德二年詔遼州降軍宜以効順懷恩為名三年四月詔改西川感化耀武等軍並為虎捷九月上御

講武殿閱諸道兵得萬餘人以騎兵為驍雄步軍為
雄武並隸侍衛司且命王繼勳主之給緡錢俾娶妻
繼勳縱之白日掠人妻女街使不能禁帝聞大怒捕
斬者百人小黄門閻承翰見而不奏亦杖數十開寶
七年秦寧軍節度使李從善部下及江南水軍凡千
三十九年並黥面隸籍以歸化歸聖為額太平興國
二年詔改簇御馬直曰簇御龍直鐵騎曰日騎龍捷
曰龍衛控鶴曰天武虎捷曰神衛骨錄子直曰御龍
骨錄子直寬衣控鶴曰寬衣天武雄威曰雄勇龍騎
曰雄猛八年改濮州平海指揮為崇武雍熙四年改

殿前司曰騎鈕直指揮為捧日鈕直日騎改為捧日
驍猛改為拱辰雄勇改為神勇上鐵林改為殿前司
虎翼腰弩改為神射侍衛步軍司鐵林改為侍衛司
虎翼至道元年帝閱禁兵有挽彊弩至一石五斗連
二十發而有餘力者顧謂左右曰今宇內阜安材武
間出弧矢之妙亦近代罕有也又令騎步兵各數百
東西列陣挽彊發弩視其進退發矢如一容止中節
因曰此殿庭間數百人爾猶兵威可觀况堂堂之陣
數萬成列者乎咸平三年詔定州等處本城廳子無
敵忠銳定塞指揮已並升充禁軍馬軍雲翼指揮依

四百
逐州軍就糧令侍衛馬軍司管轄定州揀中廳子第一充雲翼第一第二充雲翼第二相州廳子第一充雲翼第二第三充雲翼第四保州無敵第一充雲翼第五第二充雲翼第六忠銳充雲翼第七威勇軍無敵第一充雲翼第八第二充雲翼第九忠銳充雲翼第十靜戎軍無敵充雲翼第十一寧邊軍無敵充雲翼第十二北平塞無敵充雲翼第十三深州無敵充雲翼第十四北面諸處應管本城定塞指揮已下鎮定州高陽關路都總管並充禁軍馬軍雲翼指揮纔候升立訖分析遂指揮員兵士人數就糧州府本指

揮見在去處以聞四年詔陝西沿邊州軍兵士先選中者並升為禁軍名保捷五年正月置廣捷兵士五指揮五月命使臣分往邠寧環慶涇原儀渭隴鄜延等州於保安保毅軍內與逐處官吏選取有力者共二萬人各於本州置營升為禁軍號曰振武指揮既而帝曰邊防闕兵朝廷須為制置蓋不得已也候邊鄙又寧即可銷弭六月以河東州兵為神銳二十四指揮神虎十指揮又升石州廳子軍為禁軍又以威虎十指揮隸虎翼景德四年詔河東廣銳神銳神虎軍以見存為定額缺則補之大中祥符元年詔侍衛

四百
步軍司閔保寧軍士分為四等其第一等從營亳州
永城縣餘聽歸農無家可還者隸諸州為刺員四年
宣示永安縣永安指揮兵八千餘人以奉諸陵其知
軍額猶隸西京本城廂軍可賜名奉先指揮升為禁
軍在清塞之下八年置禁軍左右清衛二指揮在雄
武弩手之上散卒月給鐵錢五百以奉宮觀仁宗即
位海內承平而留神武備始辛安肅教塲觀飛山雄
武發砲命捧日天武神衛虎翼四軍為戰陣法拔其
擊刺騎射之精者稍遷補之由天聖至寶元間增募
諸軍陝西蕃落廣銳河北雲翼京畿廣捷虎翼効忠

陝西河東清邊弩手京西江淮荆湖歸遠總百餘營
康定初趙元昊反西邊用兵詔募神捷兵易名萬勝
為營二十所募多市井選悞不足以備戰守是時禁
兵多戍陝西並邊士兵雖不及等然驍勇善戰京
師所遣戍者雖稱魁頭大率不能辛苦而摧鋒陷陣
非其所長又北戍及川峽荆湘嶺嶠間多不便習水
土故議者欲益募士兵為就糧於是增置陝西蕃落
保捷定功河北雲翼有馬勁勇陝西河北振武河北
京東武衛陝西京西壯勇延州青澗登州澄海弩手
京畿近郡亦增募龍騎廣勇廣捷虎翼步鬪步武後

四百
升河北招收無敵廳子馬陝西制勝并州克戎騎射
麟州飛騎府州威遠秦州建威慶州有馬安塞保
州威遠安肅軍忠銳嵐府州建安登州平海皆為禁
兵增內外馬步凡數百營又京東西河北河東江淮
荆湖兩浙福建路各募宣毅大州二營小州一營凡
二百八十人岢嵐軍別置床子弩砲手時吏以所募
多寡為賞罰格諸軍子弟悉聽隸籍禁軍闕額多選
本城補填故慶曆中外禁軍總一百二十五萬視
國初為最多西師既罷上患兵冗帑庾不能給乃詔
省兵數萬人皇祐二年川陝增置寧遠五年江淮荆

湖置教閱志節州一營大州五百人小州三百人於
是宣毅寢廢不復補而荆湖廣南益募雄略至和二
年廣桂邕州置有馬雄略明年併萬勝為一營其後
議者謂東南雖無事不宜弛備嘉祐四年乃詔荆南
江寧府揚廬洪潭福州募就糧軍號威果各營於本
州又益遣禁軍駐泊長吏兼本路兵馬鈐轄選武臣
為都監專主訓練於是東南稍有備矣七年宰相韓
琦言祖宗以兵定天下凡有征戍則募置事已則併
故兵日精而用不廣今二邊雖號通好而西北屯邊
之兵常若待敵之至故竭天下之力而不能給不於

字四百个
此時先慮而豫備之一旦邊陲用兵水旱相繼卒起而圖之不可及矣又三路就糧之兵雖勇勁服習然邊儲貴踊常苦難贍若其數過多復有尾大不掉之患京師之兵雖雜且少精然漕於東西廣而易供設其數多得彊幹弱枝之勢祖宗時就糧之兵不甚多邊陲有事則以京師兵益之其慮深而其費鮮願詔樞密院同三司量河北陝西河東及三司權貨務歲入金帛之數約可贍京師及三路兵馬幾何然後可以贍之數立為定額額外罷募闕即增補額外數已盡而管疇零則省併之既見定額則可以定其路馬

步軍一營以若干為額仍請覈見開寶至道天禧慶曆中外兵馬之數蓋開寶至道之兵太祖太宗以之定天下服四方也天禧之兵真宗所以守成備豫也慶曆之兵西師後增置之數也以祖宗之兵視今數之多少則精冗易判裁制無疑矣於是詔中書樞密院同議樞密院奏開寶之籍總三十七萬八千而禁軍馬步十九萬三千至道之籍總六十六萬六千而禁軍馬步三十五萬八千天禧之籍總九十一萬二千而禁軍馬步四十三萬二千慶曆之籍總一百二十五萬九千而禁軍馬步八十二萬六千視其所募

字四百一
兵寢多自是稍加裁制以為定額英宗即位詔諸道
選軍士能引弓二石彊弩四石五斗送京師閱試第
升軍額明年併萬勝為神衛三年京師置雄武第三
軍時宣毅僅有存者然數詔諸路選廂軍壯勇者補
禁衛而退其老弱焉蓋治平之兵一百十六萬二千
而禁軍馬步六十六萬三千云熙寧元年十二月詔
京東武衛四十二指揮並分隸河北都總管司六指
揮隸大名府路三十六指揮均隸定州高陽關兩路
更成其休番者選差兵官三人依河北教閱新法訓
練仍差使臣押教又詔京東路募河北流民招置教

閱廂軍二十指揮以忠果為額青鄆淄齊州各三指
揮濟兗曹濮州各兩指揮三年十二月樞密使文彥
博等上在京開封府界及京東等路禁軍數帝亦參
以治平中兵數而討論焉遂詔殿前虎翼除水軍一
指揮外存六十指揮各以五百人為率總三萬四百
人在京增廣勇五指揮共二千人開封府界定六萬
二千人京東五萬一千二百人兩浙四千人江東五
千二百人江西六千八百人湖廣八千三百人湖北
萬二千人福建四千五百人廣南東西千二百人川
陝三路四千四百人為額在京其餘指揮并河東陝

西京西淮南路既皆撥併唯河北人數尚多乃詔禁軍以七萬為額初河北兵籍比諸路為多其緣邊者且仰給三司至是而撥併畸零立為定額焉是時京東增置武衛軍分隸河北四路後又以三千人戍揚州江寧府其後又團結軍士置將分領則謂之將兵云七年正月詔頒諸班直禁軍名額殿前司諸班殿前指揮使內殿直散員散指揮散都頭散祗候金槍東西招箭散直鈞容直諸直御龍御龍骨鏐御龍弓箭御龍弩直諸軍捧日鉞直捧日左射捧日寬衣天武鉞直天武左射天武歸明渤海拱聖神勇吐渾

驍騎驍勝宣武虎翼水軍寧朔龍猛捧日第五軍捧日第七軍天武第五軍天武第七軍契丹直第一契丹直第二神騎廣勇步闔龍騎驍猛雄勇太原府就糧吐渾潞州就糧吐渾左射清朔擒戎廣捷廣德驍雄雄威侍衛馬軍司龍衛鉞直龍衛左射龍衛恩冀州員僚直忠猛定州散員驍捷雲騎武騎龍衛第十軍揀中龍衛新立驍捷飛捷驍武廣銳雲翼禁軍有馬勁勇廳子馬無敵克勝飛騎威遠克戎萬捷雲捷橫塞慶州有馬安塞蕃落有馬雄略員僚刺員直侍衛步軍司神衛虎翼水軍神衛第十軍步武武衛牀

子弩雄武飛山雄武神衛振武來化雄武弩手上威
 猛招收雄勝澄海水軍弩手神虎保捷捉生清邊弩
 手制勝定功青澗平海雄武效忠宣毅建安威果川
 效忠棟中雄勇懷順懷恩勇捷威武靜戎弩手忠遠
 寧遠忠節教閱忠節川忠節神威歸遠雄略下威猛
 彊猛壯勇橋道清塞武嚴宣效神衛剩員奉先園棟
 中六軍左龍武右龍武左羽林右羽林御管喝探新團立棟
 中剩員諸班直資次相壓殿前指揮使御龍直御龍
 骨錄子直內殿直散員散指揮使散都頭散祗候金
 槍東西班御龍弓箭直御龍弩直招箭班散鈞容直

諸軍資次相壓日錕直捧日左射捧日寬衣天武
 天武錕直天武左射天武龍衛錕直龍衛左射龍衛
 神衛歸明渤海拱聖神勇恩冀州員僚直忠猛定州
 散員吐渾驍騎驍捷雲騎驍勝宣武武騎殿前司虎
 翼殿前司虎翼水軍寧朔龍猛步軍司虎翼步軍司
 虎翼水軍捧日第五軍捧日第七軍天武第五軍天
 武第七軍龍衛第十軍棟中龍衛神衛第十軍契丹
 直第一契丹直第二神騎廣勇步闔龍騎驍猛雄勇
 太原府就糧吐渾潞州就糧吐渾清朔擒戎新立驍
 捷飛捷驍武廣銳雲翼禁軍有馬勁勇步武武衛林

字四百个
子弩雄武飛山雄武神銳振武來化雄武弩手上威
猛廳子馬無敵招收雄勝廣捷廣德克勝飛騎威遠
澄海水軍弩手克戎驍雄雄威萬捷雲捷橫塞神虎
保捷慶州有馬安塞蕃落捉生清邊弩手制勝定功
有馬雄略青澗平海雄武效忠宣毅建安威果川效
忠棟中雄勇懷順懷恩勇捷威武丁威武靜戎弩手
忠勇寧遠忠節教閱忠順川忠節神威歸遠雄略下
威猛強猛壯勇員僚剩員首橋道川橋道步軍司清
塞武嚴宣効神衛剩員奉先園棟中六軍御營喝探
新團立棟中剩員諸禁軍名額係捧日天武龍衛神

衛為上軍五百文已上料錢見錢為中軍不滿五百
文料錢見錢并捧日天武第五第七軍龍衛神衛第
十軍驍猛雄勇驍雄雄威為下軍元豐五年十月詔
諸路教閱廂軍於下禁軍內增入指揮名額排連並
同禁軍蓋熙寧之籍天下禁軍凡五十六萬八千六
百八十八人元豐之籍六十一萬二千二百四十三
人哲宗即位四方用兵增戍益廣元祐元年三月寄
招河北路保甲充填在京禁軍闕額龍神衛以年二
十以下中軍以下以年二十五以下者雖短小一指
並招刺焉二年詔西關堡防拓禁軍和雇入役復置

牛四百个
河北河東陝西府界馬步軍七年河東陝西路諸帥府敢勇以
一百人為額專隸經略司紹聖四年陝西路增置蕃落馬
軍是年蘭州金城置步軍保捷馬軍蕃落元符元年利州路
興元府閬州各增置就糧武寧軍又湖北江東各增置有馬雄
略沔原路新築南年會賜名西安州戍守各以七千人為額仍
招置馬軍蕃落步軍保捷天都臨美等戍守各以三千人為額仍
各置馬軍蕃落步軍保捷永興軍等路創置蕃落河北大名府
等二十二州共創置馬軍廣威步軍保捷以河北大
水招剌流民故也二年正月環慶增置敢勇二百人
四月環慶路都總管司言本路新展定邊城北之橫

山興平等處城砦尤深乞增置住營馬軍蕃落步軍
保捷六月環慶路都總管司言展築慶州白豹城合
增置住營馬步軍又廊延路都總管司言本路新築
米脂等八堡砦合增置士兵馬步軍皆從之三年樞
密院奏河北增置馬軍廣威步軍保捷二萬餘人欲
令揀選升換在京闕額軍分從之自紹聖以來陝西
河東連用兵六年進築未已覆軍殺將供給不可勝
紀徽宗崇寧元年九月荆湖北路增置禁軍以靖安
名十月川峽置安遠軍三年三月隴右都護奏乞於
鄯州置水軍守河浮橋又樞密院乞增置府界京東

西等路步軍荆湖南路榷略皆從之十月京東西河
 東北開封府界創置馬步軍五萬人馬軍以崇捷宗
 銳名步軍以崇武崇威名合用緡錢二百八十萬有
 奇以常平封樁等錢支用蔡京之請也京又言今拓
 地廣戍兵少當議添置兵額以為邊備從之四年十
 一月廣西路置刀牌手三千人於切要州軍更戍以
 寧海名十二月詔四輔屏翰京師兵力不可偏重可
 各以二萬人為額五年環慶路進築徐丁臺城賜名
 安邊置馬軍蕃落步軍保捷大觀元年五月延安置
 錢監兵閏十月靖州置宣節十一月兩浙東西路各

增置禁軍宣和三年內侍制置所譚稹奏以方臘既
 平乞節鎮增添禁軍兩指揮餘州軍一指揮又乞除
 溫處衢婺外將禁軍更招置成十指揮又乞增置嚴
 州威果禁軍並從之五年二月尚書省言古者六軍
 為王之爪牙羽林則禁衛之總名也今臣僚使令兵
 卒所居營分曰六軍而復有左右羽林之名稱謂失
 當若將揀中六軍并六軍指揮並改為廣効內揀中
 六軍作第一指揮左龍武第二左羽林第三左神武
 第四右龍武第五右羽林第六右神武第七從之靖
 康元年詔廣西宜融二州實為極邊舊置馬軍難議

字四乃个
減省且依元降指揮招置自元豐而後民兵日盛募
兵日衰其募兵闕額則收其廩給以為民兵教閱之
費元祐以降民兵亦衰崇寧大觀以來蔡京用事兵
弊日滋至於受逃亡收配隸猶恐不足政和之後久
廢蒐補軍士死亡之餘老疾者徒費廩給少健者又
多冗占階級既壞紀律遂亡童貫握兵勢傾內外凡
遇陣敗耻於人言第申逃竄河北將兵十無二三往
往多往招闕額以其封樁為上供之用陝右諸路兵
亦無幾種師道將兵入援止得萬五千人故靖康之
變雖畫一之詔哀痛激切而事已無及矣高宗南渡

始建御營司未幾復併御營歸樞密院紹興四年改
御前五軍為神武軍御營為神武軍副並隸樞密院
五年上以祖宗故事兵皆隸三衙乃廢神武中軍隸
殿前司於是殿司兵柄始一乾道元年詔殿前兵馬
權以七萬三千人為額諸屯駐大軍則皆諸將之部
曲高宗開元帥府諸將兵悉隸焉建炎後諸大將兵
寢盛因時制變屯無常所如劉光世軍或在鎮江池
州太平韓世忠軍或屯江州江陰岳飛一軍或屯宜
興蔣山王彥八字軍隨張浚入蜀吳玠兵多屯鳳州
大散關和尚原是時合內外大軍十九萬四千餘川

陝不與焉及揚沂中將中軍總宿衛江東劉光世淮東韓世忠湖北岳飛湖南王瓌四軍共十九萬一千六百亦未嘗有屯紹興十一年范同以諸將握兵難制獻謀秦檜且以柘臯之捷言於上召張俊韓世忠岳飛入覲張俊首納所部兵分命三大帥副校各統所部自為一軍更銜曰統制御前軍馬罷宣撫司遇出師取旨兵皆隸樞密院屯駐仍舊而四川大將兵曰興成階鳳文龍利門金洋綿房西和州大安軍興元隆慶潼川府凡十四郡亦分屯就糧焉乾道之末各州有都統司領兵建康五萬池州一萬二千鎮江

四萬七千楚州武鋒軍一萬一千鄂州四萬九千荆南二萬興元一萬七千金州一萬一千其後分屯列戍增損靡常所可考者統制統領正將副將準備將之目也至於水軍之制則有加於前者南渡以後江淮皆為邊境故也建炎初李綱請於沿江淮河帥府置水兵二軍要郡別置水兵一軍次要郡別置中軍招善舟楫者充立軍號曰凌波樓船軍其戰艦則有海鯨水哨馬雙車得勝十棹大飛旗捷防沙平底水飛馬之名隆興以後至于寶祐景定間江淮沿流堡隘相望守禦益繁民勞益甚迨咸淳末廣東籍蛋丁

閩海拘船民船公私俱弊矣其禁軍將校則有殿
前司都指揮使副都指揮使都虞候各一人諸班直
都虞候指揮使都知副都知押班御龍諸直有四直
都頭十將將虞候馬步軍有捧日天武左右四廂都
指揮使捧日天武左右各有都指揮使每軍有都指
揮使都虞候每指揮有指揮使副指揮使每都有軍
使步軍謂之副兵馬使步軍謂之十將將虞候承局押
官所領諸班直指揮騎兵步兵之額叙列如左以其
前後之異同者分為建隆以來之制熙寧以後之制

而將兵水兵之制可考者因附著于後云

建隆以來之制

騎軍殿前指揮使左右班二宋初以舊府親從帶甲之士及諸班軍騎中選武藝絕倫

者內殿直左右班又有川班直殿直乾德三年平蜀

者凡百二十人立開寶二年廢射散員左右班制招置諸州

豪傑立散指揮都頭散祗候凡十二班又於北面

都部署王廷言緣邊有強梁輩常居四界散指揮左右

班散都頭左右班金槍班左右班選諸軍中善用槍槊

者增東西班弩手龍旗直招箭班共十二舊號東西

第一第二弩手龍旗直班六年並帶甲選諸班及不帶

甲班增補其東第二茶酒及第三西第四班不帶甲

並以諸軍員使臣及浚王事者為招箭班散直熙左右班四雍

道募置藩鎮廳頭軍將及詣登聞鼓試武藝者鈞

容直班二太平興國三年選諸軍請曉音外殿直班一

諸班衛士中年多者號看班外殿直後削看班之號

或有內員僚直開寶中廢太平興國四年併入此班捧日并左射

征太原得上軍天禧四年併入此班捧日并左射

手左第五軍總指揮三十五京師三十三雍丘鄭各

一舊號小底周改為鐵騎太平興國二年改為日騎

雍熙四年改今名分左左右各四軍雍熙三年選善

槍禦者充錕直淳化三年選善左射者為左射咸平

五年選天武拱聖驍契丹直三咸平許壽各一後唐

騎善督射者為弩手契丹直置旋廢開寶三年以遼

人內附之衆復置太平渤海指揮二年京師太平

以渤海拱聖指揮二十一京師乾德中選諸州騎兵

降兵立拱聖送關下立為驍雄後改驍猛雍熙四年

又改拱辰未吐渾小底舊指揮五治平中併為二京

幾改今名又選監牧驍騎指揮二十四京師太平興

吐渾子弟所有者充驍騎指揮二十四京師太平興

諸軍中所有者充驍騎指揮二十四京師太平興

兵及左右教駿兵增置雍熙四年改殿前司步聞驍

手為驍騎弩手淳化四年選壯勇起絕者為上驍騎

在本軍之上咸平五年分左右廂舊又有殿前驍勝

小底至道二年選驍騎馬直及善射者充後廢驍勝

左右指揮各五年京師咸平三年選教寧朔指揮十京

駿驍騎諸軍備征子弟材勇者立龍猛指揮八京師

三雍立渭河陽陰各一咸平三龍猛指揮八京師

年選教駿諸軍備征及外州兵立龍猛指揮八京師

棟閣龍騎及諸州部送招獲群盜取其材勇者立淳

化四年又擇精悍者為教閣龍猛以備禽盜在本軍

之上景德四年又選飛猛指揮二咸平二年選龍猛

龍騎驍騎兵增之飛猛指揮二咸平二年選龍猛

驍猛指揮四尉氏三太康一舊號驍雄太平興國中

馬指揮四尉氏三太康一舊號驍雄太平興國中

者如故景德四年以神騎指揮十八年雍立十三咸平

拱聖年多者隸之神騎指揮十八年雍立十三咸平

宋史一百八十七

人及教駿借事等兵立淳化二年廢掉捐索軍驍雄

指揮四威平二年又擇教駿備征及外州增之

等者立景德中以太原二潞一太平與國八年多者隸之

吐渾直指雲州及河界吐渾立屯并代州雍熙三年又

得雲朔歸明吐安慶直年遷雲朔及河東歸明安慶

民分屯并潞等州給三部落指四年親征幽州遷雲朔

應等州因部落清朝指四年遷雲朔州民於內地得自

置馬以為騎兵謂之擒戎指揮五西京許各二汝一

家戶馬雍熙四年立新立內員僚直五年端拱

民於西京許汝等州給以士

田充家戶馬端拱二年立

德軍節度使田重進言易州靜若兵先屯鎮州賊陷

勇陷谷盡俘其家請以其軍備宿衛因而立此直後

廢天聖散祗候左右班二步闕一蔡四慶曆中增置

前無步軍御龍直左右二舊號漢御直太平興國御

龍骨錄子直左右二舊號骨錄子直太平興國御龍

弓箭直五選天武諸軍充御龍弩直五天武并寬衣

指揮三十四京師神勇上下共二十一指揮乾德中棟

三十三咸平一惟威太平興國二年改為惟勇雍熙四年改今名宣

淳化四年選武藝超絕者立為上神勇以備擒盜

武上下共二十指揮京師太平興國二年併效節忠

軍頭司步直善用槍槊掉虎翼太平興國中棟武

於惟武定遠寧勝床子弩手飛山樺武等軍選要兵

以增其數雍熙四年分左右四軍淳化四年選本

者習戰於金明池立為虎翼水軍雄勇舊號惟威太

舊指揮六十二景德中增六京師

雄勇舊號惟威太

平興國二年

改今名雍熙四年改神勇復於本軍選退入次等者
 為之舊指揮五至和五年增為八咸平三鄭二許鄭
 滑各**廣德**開寶四年平廣南以其兵隸殿前司次等
 一三年選入作司之疆壯者為揀中總指揮十**廣勇**
 咸平尉氏陽武河陽滄華白波各一西京二廣勇
 二年選神射鞭箭武效忠等軍疆壯善射者立為
 廣武大中祥符二年改今名舊指揮二十三慶曆中
 增為四十三每指揮十為一軍京師五陳留二十一
 咸平東明太原睢城南京各一襄邑陽武鄆各一滑
 三**廣捷**舊名左右平遠建隆二年改咸平五年又選
 五景祐中增五步道中增十慶曆增三十六總五十
 六陳留八咸平六雍丘四襄邑尉氏許各三六康扶
 曹鄧蔡濟穀熟汝城襄城葉各一**雄威**雍熙四年
 退入第二等立為神威後改今名指揮**宣威**雍熙四
 十考成襄邑陳留各一南京四陳二**龍驤**建隆間以諸道招
 勇宣武兵退入次等者立上**龍驤**建隆間以諸道招
 下指揮一咸平襄邑各一

號有馬步人見陣即步闕淳化三年選本軍年多者
 為帶甲剩員咸平以後又以本軍及龍猛退兵增之
 舊指揮八康定中取配隸充軍者增置為指揮二十
 分三軍京師四尉氏雍丘咸平鄭各二南京陳蔡河
 陽穎單四**神射**兩浙州兵舊號腰弩雍熙四年改今
 波各**神射**名為化元年部送闕下選其疆壯者為
 廣武次等復為本軍指**步闕**雍熙二年選諸州廂軍
 揮五陳留三雍丘二**步闕**之壯勇者立後廢此下
 二軍天鞭箭雍熙三年選兩浙兵為鞭箭次等者為
 聖後無鞭箭忠節鞭箭端拱二年併為一至道元年
 發此兵接靈州芻粟喪車重
 兵器於浦洛河詔免死後廢
 侍衛司侍衛親軍馬步軍都指揮使副都指揮使都
 虞候各一人馬軍都指揮使副都指揮使都虞候各
 一人步軍亦如之自馬步軍都虞候已上其員全闕
 即馬步軍都指揮使等各領其務與殿前號為三司

馬步軍有龍衛神衛左右四廂都指揮使都虞候每
指揮有都指揮使副指揮使餘如殿前司之制所領

騎兵步兵之額叙列如左

騎軍員僚直顯德中周平三關召募強人及選高陽

騎兵及蕃鎮廳頭召募人等為右三直北面兩直營員冀隸

年平太原選其騎兵為右三直北面兩直營員冀隸

高陽關都部署大中祥符中改為貝州左龍衛護聖

直冀州右直後改四直京師二恩冀各一

周廣順中改龍捷建隆二年揀去衰老以諸州所募

精勁者補之太平興國二年殿分左右兩廂四年平太

原選其降兵為揀中龍衛雍熙二年又陳善捨黎者

為錙直淳化三年選刺員堪披甲者為帶甲刺員五

年又揀善左射者為左射指揮四十四恩猛年置指

京師三十八雍丘射氏河陽各一團三恩猛年置指

定州散員咸平五年置驍捷州士率世勇為河北

驍捷宋初隸高陽關都部署建隆二年廢左右驍武

以其兵來隸乾德中又選備征及嵐川歸附之兵為

河南驍捷其後止以驍捷淳化四年又置新立驍捷

原揀閩降兵為揀中驍捷淳化四年又置新立驍捷

至道三年分驍捷為左右兩廂咸平五年以各年多者

為帶甲刺員指揮二六尉氏新立陳揀中各一恩

上四雲騎舊號左右備征建隆二年改開寶以後募

次等為武騎又選本軍年多者為武騎又選騎兵之

指揮上五京師十選一本軍年多者為武騎又選騎兵之

武立此軍初四年親征幽州以雍丘兵克勝騎本潞州

拱二路指驍統舊名熱員指揮四莫三冀一驍武諸州忠

烈威邊驛射等兵淳化四年揀閱其材與雲騎武騎

等立得自置馬分左右廂指揮二十北京七真定三

定六相懷廣銳本河州忠烈官助其直至道元年立成

洛刑各一武兵增之大中祥符五年以其退兵為帶

平以親屬代武者聽大中祥符五年以其退兵為帶

詔非親屬親代武者聽大中祥符五年以其退兵為帶

宋史一百八十九

卷一百八十九

卷一百八十九

卷一百八十九

卷一百八十九

卷一百八十九

卷一百八十九

卷一百八十九

卷一百八十九

甲刺員舊河東指揮三十一陝西七景祐康定中增
為四十二太原代并各三汾五嵐石岢嵐各二晉熙
一慈絳澤原憲寧化威勝平定火一山各武清端州驍兵
以其久在北都屯戍之勞有馬勁勇江東諸州兵
選勇悍者就升指揮一晉

立慶曆中分置第六第七總指雲翼景祐以後增置
二十三分左右廂總五十六真定雄瀛深趙永寧各
三定冀各六保五廂總北平永靜順安保定各二莫邢

信肅各一廣廳子慶曆初升禁軍指揮六年改從營相州
萬捷武雲騎退兵隸之指揮七相冀遼各二滄一以驍

雲捷事備征等自武幹者立大中祥符五年以寧朔
進兵隸之指揮十一尉氏咸平橫塞軍咸平三年選諸
在京借事立指揮推一雍一咸平真僚剩員直以罪責降

平考城襄邑寧陵各一衛二咸平真僚剩員直以罪責降
凡六軍天聖後無清塞周立指揮二其一北蕃歸附

金山砦所得騎軍管延州宋初選本軍子弟補飛捷
其缺太平興國三年又得泉州兩浙兵以益之

本威虜軍保州易州靜塞為三等廳子為一等改今名
年詔是關揀閱以靜塞為三等廳子為一等改今名

指驍駿本壽州咸聖軍咸一揀中夏州廳子本夏州
化五年河西行營前部署李一騎捷咸平三年改分營

繼隆遣部送京師立指揮一馬騎咸平三年改分營
瀛莫指武騎留考城咸平鄭各一西京二此下至有

馬陣畧凡十二驍騎太原無敵曆河北沿邊廂兵慶
指軍六定北平各一忠銳廣信廂兵有馬者慶曆威邊

二安肅廣信各一忠銳廣信廂兵有馬者慶曆威邊
諸州廂兵惟保州教戰射隸巡檢司飛騎麟州廂兵

慶曆初升禁軍指揮二定保各一飛騎麟州廂兵
禁軍指威遠慶曆初升禁軍指揮二精銳克戎并州廂

威遠慶曆初升禁軍指揮二精銳克戎并州廂
宋史一百八十七

宋史一百八十七

宋史一百八十七

宋史一百八十七

宋史一百八十七

宋史一百八十七

宋史一百八十七

宋史一百八十七

宋史一百八十七

者秉定中升**有馬安塞**慶州廂軍慶曆中

禁軍指揮一**有馬安塞**升禁軍指揮一**蕃洛**陝西

廟兵有馬者天禧後升禁軍極邊城若悉置至慶曆

中總指揮八十三環五延慶各四秦并外若十七原

渭并外若各十二德順并外若十二**并州騎射**諸道

鳳翔涇并外若儀保安各二隴外一**并州騎射**諸道

惟并州路有馬備征一**有馬雄略**至和二年置指

曆五年升禁軍指揮一**有馬雄略**至和二年置指

一**步軍神衛**晉日奉國軍周改虎捷建隆二年揀閱

營都部署王全斌為虎捷太平興國二年改舊水虎翼即

備禁旅詔並為歲改為神衛大祥符後剝員又有帶

軍中習水戰者是歲改為神衛大祥符後剝員又有帶

甲看倉草場看船之名凡四等皆選本軍年多者補

宋初指揮四十六仁宗後止存指揮三十一京師

步武其次等者立慶曆中增指揮六陳**虎翼**宋初

武弩手太平興國二年選壯勇者為上鐵林其次為

下鐵林雍熙四年改為左右廂各三軍咸平五年以

威虎軍來隸景德三年選效順兵補其缺大中祥符

五年擇本軍善水戰者為上虎翼六年又選江淮習

水卒於金明池披試戰棹立為虎翼軍江浙淮南諸

州亦准此選置七年改為虎翼水軍舊指揮七十五

七百五十四

宋史卷一百八十七

宋史卷一百八十七

十并水軍一襄邑東明單各一長葛一**奉節**乾德三

得其兵立為奉議後改今名景德**武衛**太平興國中

三年又選立上奉節指揮五京師**武衛**太平興國中

兵立舊指揮十六慶曆中河北增置為指揮六十七

南京真定淄各四北京澶相邢懷趙隸洛德祁通利

乾寧廣濟各一青五鄆徐兗曹濮沂濟**雄武**并雄武

單萊濰登淮陽瀛博各二齊密滄各三**雄武**并雄武

子弩雄武揀中雄武飛山雄武揀中歸明雄武總指

揮三十四京師十三太原尉氏南宗鄭汝寧陵各二

咸平東明雍立襄邑許**川效忠**太平興國三年選諸

曹廣濟毅熟長葛各一**川效忠**太平興國三年選諸

淳化四年又選川峽威掉克寧兵部送京師者立為

川效忠景德六年以德清廂軍及威遠兵增之舊指

揮二十八後城為**效順**宋初征澶州以降**雄勝**開寶

七南京六寧陵一**效順**宋初征澶州以降**雄勝**開寶

宋史一百八十七

宋史一百八十七

宋史一百八十七

宋史一百八十七

宋史一百八十七

宋史一百八十七

刺員立太平興國中選入上鐵林餘如**揀中雄勇**實開

故又有雄勝刺員指揮三峽冀濟各一**揀中**立以常寧雄勇效順等軍刺員中選其強者立為

中**揀中**大中祥符二年又選歸遠軍為新立舊指揮四

後損為**懷勇**開寶四年揀蜀兵之在京師**威寧**淳化

一**襄邑**者立指揮二雍丘二陳一京師立**飛虎**本虎

送西川賊帥王以散員直增補指揮一許**飛虎**本虎

或平元年又無家屬者太平興國懷順號懷德建隆

武兵屯西川指揮三陳留二咸平一懷順號懷德建隆

二年改指**歸聖**開寶七年以李從善所領兵及水軍

揮一**歸聖**立八年平江南又以其降兵增補指

雍丘**順聖**太平興國中平興國懷恩蜀得其軍立

指揮三荆**揀中懷慶**本蜀兵與懷恩同立又按精銳

南二鄂一**揀中懷慶**者為揀中淳化四年又選川峽

威掉克寧兵次等者立為牽船以給**勇捷**太平興國

河漕之役舊指揮三後損為一寧陵**勇捷**太平興國

原立分左右廂以諸州庫兵補左廂廣濟開山兵補

右廂指揮二十六襄邑北京澶陳壽汝曹宿各二咸

平西京南京亳寧洪河**威武**太平興國四年征太原

陰鞏長葛韋城各一**威武**立分左右廂以江南歸

化兵補左廂兩浙順化兵補右廂大中祥符五年又

立下威武共指揮十三西京河陽鄭鄆澶滑濮通利

鞏河陰永城**靜戎弩手**壯實者立指揮四河陽澶衛

各一**平塞弩手**本兩浙順化軍揀其強壯立為弩手

為揀中平塞指揮四咸**新立弩手**本勁勇兵太平興

立指廣齊**忠勇**咸平五年以易州兵成都寧遠六年祥符

川克寧威掉兵立舊指揮五皇祐及至和**忠節**太平

三年選諸州廂軍之強壯者立淳化四年又選川峽

威掉克寧兵立為川忠節舊指揮二十四後增校閱

忠節總為六十雍丘襄邑寧陵各三陳留咸平東明

亳河陰永城各二南京五太康陽武許江寧揚廬宿

壽楚真泗泰濮岳澧池欽信太平饒宣洪慶吉**神威**

臨江興國廣濟南康廣德長葛各一合流四

宋史一百八十七

咸平三年許鞏各二京師諸司庫務兵立上下指揮十三陳
歸遠咸平二年王師北征拔飛增之靈丘得其降立
中增置為十六陳許壽宿鄧

襄鼎各一荆南禮潭洪各二
南五潭四鼎禮各二廣辰桂各二許全邵容各一
威猛咸平三年選諸州相兵及召募者立上神銳咸

六年料簡河東兵立夫中祥符五年以本軍及神虎
兵年多者為帶甲刺員指揮二上六年太原六潞晉各
三澤汾隰平定各二代神虎馬五年選陝西州兵

州兵立以西路河東兵之指揮二十六永興六鳳
河中忻晉威勝各二太原秦延鄜華各一潞州三
保捷咸平四年詔陝西沿邊選鄉丁保毅什充舊指

五永興十二年同九秦八河中汾涇各七渭寧耀各六
鳳翔延儀華隴解乾各五陝原鄜各四成三慶鳳坊

晉鎮戎各二環丹商振武舊指揮四十慶曆後河北
號階慶戎德順各一總八十一北京澶相懷衛霸莫
增置為指揮三十一永安寧通利安肅儀各一真定定瀛

保恩那深博永安寧陵涇各二延六橋道國太平興
邠隴各七鄜寧各五磁山滄原各三又選川峽威棹克

寧為諸州廂兵次等者立淳化四年又選武各二陳留
東明尉氏太康西京可陽濮清塞太平興國初立左

鄆鞏河陰白波寧陵各一
三嘉祐中併為十三曹二鄭鄆滑招收端拱中獲通
通利鞏河陰白波汜水長葛各一又收端拱中逃軍

來復者原其罪為德壽軍後改今名隸保州巡檢司
慶曆初升禁軍為指揮十七保順安各一壯勇本招
各三定鄆城若各二廣信安肅順安各一壯勇本招
盜配近京徒役者揀拔立咸平三年選諸雜犯兵增
之至道三年江浙發運使楊允恭禽海賊送闕下增
補旋廢舊指揮三慶曆中增宣効咸平三年選六軍
置為七擢解滑各二許一中增

庚寅一百八十七

監効役店完務州兵立景德元年又棟本軍材來化

勇者為棟中宣効舊指揮五後損為二京師歸恩

附牽熙中以飛孤靈丘歸附之眾立為二寧陵順化太平

家屬者肆左廂無者隸右廂指揮二毫川員僚直師本西蜀賊全

立指以兩浙兵之次等者左右清衛立以奉諸宮觀

壯軍員凡八軍天聖後無強川員僚直師本西蜀賊全

領乾德造船務乾德初平荆湖選其歸明羽林興太平

四年征幽州新立清河決後棟閣立指揮二保寧

大中祥符元年馬步軍都虞候新立歸化以開寶七年

王超請以病軍經行陣者立強壯軍員咸平六年

從善所領步曲水軍立八年平強壯軍員咸平六年

澄海弩手慶曆二年置隸海州都巡檢司指揮捉生州

廂兵天聖五年清邊弩手寶元初選陝西河東廂軍

禁軍指揮二太原七秦五涇四河中龍各三永興代制

勝陝西廂兵慶曆中升禁軍指揮九永定功軍慶曆

四年升禁軍增首為指揮十永興清澗慶曆初募土

因其地名建威秦州產兵慶曆八効勇景祐中募川

為指揮二十七陳留三太康尉氏襄邑河陽曹合流

各二咸平鄭亳衛許單漚磁廣濟河陰寧陵白波一

宣毅慶曆中京東京西河北河東淮南江南兩浙荆

八至治平中管一百七十四京東路南京鄆徐

曹齊冬二青兗密濮沂單濟淄濰登淮陽廣濟各

一京西路西北路鎮定德棣博邢祁恩磁濞定濱通利

宋文一各三澄嵐忻遠威勝平定各二慈隰寧化各一淮南

六百五十八
李京州

路楊毫各二廬宿壽楚真泗新海舒泰濠和光黃通

無為高郵連水各一江南路江寧洪夏占撫表筠達

昌南安各一兩湖路抗二越蘇明湖發潤温衢常秀

處各一荆湖全鼎各三荆南鄂德永柳道安鄂

建路復二泉南劍潭汀邵武興化各一福宣毅床子弩

砲手慶曆中置指建安府州廂兵慶曆二年升威果

嘉祐四年置指揮二十五荆南江寧武嚴京師

抗楊廬澤各三洪越福各二虔一江寧

御前忠佐軍頭司馬步軍都軍頭副都軍頭馬軍都

軍頭副都軍頭步軍都軍頭副都軍頭其所轄散員

有副指揮使軍使副兵馬使十將馬步直自指揮使

而下皆如殿前司之制

御前忠佐散員本許川員備勅員淳化中立為軍頭

司散員一班又五代以來軍校立功

無可門署者第令與諸校同其飲膳名健飯都指揮

使後唯被譴者居山大中祥符二年改為散指揮使

一班馬直雍熙四年步直端拱元年備軍六十九百

皇城司親從官太平興國四年分親事官之有材勇

事指入內院子天聖元年擢親事官年高者為之九

詔以五百人為額 騏驎院騎御馬直太平興國二年置分左

後增置左右教駿舊名左右備征建

八直

志卷第一百四十

宋史一百八十七

守二百个

身大...
王三道



